

HAMBA, UVUSE JESU



. . . Nkhosi, ngiyakhola,
Konkhe kungenteka, Nkhosi, ngiyakhola.

² Asichubeke nekuma umzuzwana nje, sentele umkhuleko. Futsi sisakhotsamisa tinhloko tetfu manje, angati noma, enhlanganweni lapha, nasesitezi lesingaphansi, uma bekukhona . . . nasetulu kuvulande losesitezi, noma ngabe ngukuphi, uma nomangubani eBukhoneni bebuNkulunkulu angatsandza kwatiwa kusihlwa embikwaNkulunkulu, esicelweni lesikhethetekile, ungariphakamisela nje tandla takho kuYe manje. Futsi ubambe umcabango wakho manje naloko lokucabangako, futsi nje ukholwe kutsi Khristu ume ngco embikwakho.

³ Babe loseZulwini, sime lapha netandla tetfu tiphakeme, futsi, njengoba umnaketfu ashito, "Sibonakaliso sakokonkhe jikelele sekutinikela." Futsi sitinikela cobolwetfu kuWe, njengetigadla telubumba loluvula emhlaben, futsi siyakhuleka, Nkulunkulu, kutsi Utobagcwalisa kusihlwa ngaMoya waKho nekuPhila, bese utfola ludvumo kuWe lucobo. Khulumha ngatsi, kusihlwa. Sebenta ngatsi, eludvumeni IwaKho. Phendvula sonkhe sicelo, Nkhosi. Utati tonkhe. Niyati kutsi yini lengemuva kwetandla tetfu, netinjongo tetfu, tinhloso tetfu, naloko lesikufunako, kanye ne . . . lebesiyokwenta ngako uma sikutfolile. Futsi, Nkhosi, ngiyakhuleka kutsi Utohlanta tinhliityo tetfu, nemicabango, nemicondvo, kutsi uma besiyokwemukela loko lesikucelako, kuyobaseludvumeni IwaKho. Ngenca yenkhatalimulo yaNkulunkulu, sikucela eGameni laJesu. Amen.

Ningahlala phansi.

⁴ Kuhle kubuya endlini yeNkhosi, kusihlwa. Ngingahle ngitivile nje ngitsite kuma kancane. Sathane beketama kunginiketa umkhuhlane lomubi, kusukela nje eNew York. Futsi sonkhe sikhatsi uma anginika wona, ngiwubuvisela kuye ngco; futsi aphindze anginike, bese ke ngiwubuvisela kuye ngco, niyabona. Ngako sitsi kuphikisana ngaloko, ngako ngiyati kutsi iNkhosi itongenelela emvakwesikhashana futsi ikhetse tinhlangotsi. Futsi ngako . . .

⁵ Futsi ngiyakhuleka kutsi iNkhosi itoniketa tonkhe ticelo tenu, kusihlwa. Manje siniketile kusihlwa sentela inkonzo yekuphilisa. Manje, ngiyacabanga labanengi benu bayatibuta, ngalokwejwayelekile, ekufikeni eveni lonkhe, ba . . . Ngiyamemetela kutsi ngitokuba nemhlangano, umcabango wekucala ukuphilisa kwaNkulunkulu, niyabona.

⁶ Kodvwa, kunalokunengi kulenkonzo kunekuphilisa kwaNkulunkulu, niyabona. Umtimba logula kwendlula yonkhe lengiwatiko, kusihlwa, ngulolobitwa ngeMtimba wajesu Khristu. Udzinga kuphiliswa kwakamoya. Kunalinye kuphela libhalisamu lengatiko kutsi lingaphilisa, futsi lelo Livi. Futsi ngulowo loMtimba logulako lesifuna kuwusukumela ngemandla nemavithamini emandla eliVangeli. Futsi kungako ngisebentisa sikhatsi lesinengi manje ekwetameni kucinisa liBandla, ngeLivi.

⁷ Ngiyati ngisibambiso lesiphuyile kutsatsa indzawo yemfundisi, umshumayeli lofundze kakhulu. Kodvwa ngiyakukholwa loku, kungesiko kungahloniphi li-litiko letemfundzate. Bengifisa kungatsi ngabe benginaso. Futsi angitami kwesekela kungati kwami, ngekusho loku. Kodvwa lesikudzingako manje, ngetulu kwalesikudzinga eluhlangotsini lwekuhlakanipha kwenyama kwati kubeka Livi ndzawonye futsi silente Likhaceke kahle hle, nguNkulunkulu. Sidzinga Nkulunkulu. Niyabona na? Niyabona na? Akuti kahle hle ngemagama lakhewe kahle. Ku-kuvela ngenhlitiyo lenikelwe, naleyonhlitiyo itinikele kuNkulunkulu futsi yenta intsandvo yaNkulunkulu. Manje, ufanele uyati lentsandvo ngaphambi kwekutsi wente intsandvo. Utfole kutsi ute leni lapha. Akusyo nje i...

⁸ Bengahlala njalo ngicabanga kutsi liBandla belingasiso nje sinomakanjani. Jesu aketanga nje emhlabeni ngendlela lesinomakanjani. Akazange afe ngendlela lesinomakanjani. Wetela inhloso letsite, naleyonhloso kwakukugewalis iMiyalo yaNkulunkulu, kutsi Atitsengele Yena lucobo liBandla lelingenabala noma sici.

⁹ LeloBandla liliBandla lelamiselwa ngaphambil. Lonkhe ligama lelake lafakwa kuleyoNcwadzi, Jesu wetela kutolihlenga. Futsi uma ligama lekugcina selihlengiwe, leNcwadzi seyivaliwe. Manje, Bekangakahlosi kutsi kungabikho namunye loyolahlek, kodvwa kwati ngaphambil kwaKhe Kwamenta wati kutsi ngubani loyolahlek. Ngako-ke, Bekangamisela ngaphambil, futsi-ke emagama abo afakwa eNcwadzini. Bese kutsi-ke uma leyoNcwadzi yekuhlengwa seyivaliwe futsi yabekwa lumphawu ngetimpawu letisikhombisa, lapho seyisetjentwe nge-ngemandla layimfihlakalo aNkulunkulu. Futsi ngalelinye lilanga lapho iNcwadzi yekuhlengwa seyiphelile, liWundlu liyaYitsatsa. Bese-ke ligama lekugcina libitelwa ngaphandle kwaloko, liWundlu lita ngembili kubita loko Lelikuhlengile, lelo liBandla laKhe. Futsi ngikholwa kutsi lesosikhatsi sesisondzele edvute.

¹⁰ Futsi manje sengibe netikhatsi letimatima impela tekwenta loku, nentfo yinye, kutama kugcina lirekhodi lami-lami licacile. Manje, tikhatsi letinengi, ngibe netikhatsi letinengi kakhulu letikhangisiwe netindzawo lapho bengi—benginga—bengakaze ngati lutfo ngekuba lapho, nesikhangiso semanga.

Noma yini nje Sathane lebekangayiphonsa kimi, ukwentile. Lomunye ufika ngalelelinye lilanga, watsi, “Ngifuna kwati kutsi loko kuliciniso yini. Ngabe sitoba lapho na? Ngi—ngifuna kukwati nje.” Niyabona na?

¹¹ Manje lapha madvute nje, ngakhangiswa kutsi ngitawuba eNew York, ngangingati ngisho nayinye intfo ngako. Lomunye wabosomaBhizini labangemaKhristu watjela lendvodza kutsi ngangitoba lapho ngalesosikhatsi, futsi bekamtjelile kutsi kutolunga. Naloko-loko kwakungenyanga yeMphala, ingcungcuthela yabo yayilapho. Futsi ngangitjele lendvodza letsite kutsi ngangitokuba lapho ngenyanga yeLweti, liviki lekucala leLweti, ngangitokuba eNew York, futsi ngangikhulumma engcungcutheleni yabo kube kwakungulesosikhatsi. Watsi, “Yebo-ke, kutokuba ngalesosikhatsi ke.” Kodvwa watsi ngeMphala, niyabona, leyontfo lencane. Nalendvodza eNew York, ngaphambi kwekubuta, kuncutfulisa kitsi, yakumemetela esifundzeni sonkhe, niyabona, kuba lapho.

¹² Emavikini lambalwa lendlulile, kwakunencwadzi lejikeletako lebeyibekwe etulu lapha eMemphis, eTennessee, lebeyineligama lami lalisayinwe kuyo, ikhophi lekhicitewe, futsi yatsi bengikadze nginalowomuntfu “kuletinsuku letingemashumi lamatsatfu, ekuzileni kudla.” Tinsuku letintsatfu nguletindze kunato tonkhe lengake ngazila kudla ngato emphilweni yami. Lomuntfu, angikaze ngilive ligama lakhe emphilweni yami; watsi ngipuma ekuzileni kudla kuye, kanye naye, njalo, futsi washo kutsi ngitawube ngilapho ngemalanga latsite, watjela bonkhe bangani bami ngase Memphis kutsi babelapho kulomhlangano lotsite. Angizange sengiyive nendzawo lenjalo, angizange sengati lutfo ngayo, emphilweni yami; nalokungemanga, kusayina lokufojiwe. Angilisayini ngisho nekulisayina ligama lami; angikholwa kutsi nomangubani angalingisa kusayina kwami, ngoba angikwati nekukwati emvakwekuba sengikusayinile. Ngako, kuyintfo lembi kabi nje, angiboni kutsi noma ngubani utama kanjani ku—utama kwenta loko.

¹³ Ngangisebhange, lapha kungesiko kadzeni. Sifanele sibale yonkhe intfo, ngenca yekutsi sikugcina kucondzile kanjalo. Liskeke lelikhanselwe ngusona sigcebhezane lesi—lesikahle kunatotonkhe longaba naso. Futsi manje besisolo senta loko kusukela sashada. Futsi ngako lombhangi watsi, “Angikholwa kutsi ukhona umuntfu longake alingisele lokusayina loku, Mnumz. Branham.”

¹⁴ Ngatsi, “Yebo-ke, uyati, batsi konkhe kusebentelana ndzawonye kube ngulokuhle.”

¹⁵ Futsi ngako—futsi ngako, lapho, letotintfo tikugcina kumatima, kwenta bantfu bacabange kutsi ucamba emanga,

ngesikhatsi, nga—ngangingati lutfo ngekuba lapho. Futsi kukwenta ke, ngaphandle kwekukumemetela noma lutfo, Ngitamile kugcina inkonzo yami lapho ngingaya khona nomakuphi lapho iNkhosi ingibite khona. Kute lutfo benginesibopho kuko noma kulomunye umuntfu ngaphandle kwaNkulunkulu, kuhlala nje naYe.

¹⁶ Inhoso yami beyikutsi, ebandleni, kutama kususa lowomcondvo kulabantfu laba labangemaMerica, kutsi ufanele ubabeke tandla. Niyabona na? Ngine—ngine...Uma wenta loko, kubukeka kwangatsi u...Batsi, “Yebo-ke, uMnakettu *S'bani-bani* utile, wangibeka tandla.” Vumela nje Jesu abeke tandla taKhe kuwe, niyabona, nekukholwa kwakho kufinyelele etulu futsi kuMtsintse. Kodvwa manje sengibe cishe neminyaka lelishumi nesitfupha, futsi ngehluleke ngalokugcwelle ngako, niyabona, ba...ngoba banengi kakhulu labafuna kukukholwa ngalenye indlela. Futsi ngako senelisa bantfu, siyakwenta noma kanjani, sibeke tandla etikwako.

¹⁷ Kodvwa umbono wami, kutsi uma singabubona Bukhona futsi sati kutsi Jesu Khristu ulapha, udzingani-ke wena, lapho lonkhe libandla likhuleka ngasikhatsi sinye na? Niyabona na? Ngulapho-ke la emandla eNkhosi ehla khona, uma Livi selatiwa. “Kukholwa kuta ngekuva, ngekuva Livi.” Uma Livi lishunyayelwa, futsi LiliCiniso, naNkulunkulu afakazelza Bukhona baKhe, kutsi—kutsi loko kufanele kwente umsebenti khona lapho.

¹⁸ Manje, manje, kusasa ekuseni...Manje, kusihlwa, njalo, ngiyacolisa, kusihlwa nginesifundvo lesifishane nje, ngoba sitokhulekela labagulako. Kodvwa kusasa ekuseni, manje, ngicabanga kutsi ngitokuba nesifundvo saSontfo sikolwa. Ngabe kunjalo na? Kutoba konkhe ehholeni lapha, futsi ngine—ne—nesifundvo lengitotsanza kusitsatsa, uma iNkhosi itsandza, beku...uma Ingivumela. Ngifanele ngikusho ngaleyondlela, niyabona. Ngicabanga kutsi...uma u—uma ungenaye Sontfo sikolwa wakho lucobo manje. Uma unaye wakho Sontfo sikolwa, hamba kuwakho Sontfo sikolwa. Nawufuna kuYiva, banawo ematheyiphu. Ngako ngitawuba nentfo letsite enhlitiyweni yami, lengitotsanza kukhuluma ngayo, mhlawumbe itawuba lusito lo—lolukhulu kini, kucondza si—sizatfu sekushumayela liVangeli ngendlela lengetame ngayo kuLishumayela futsi ngaLikhola. Niyabona, kungulesosizatfu Nkulunkulu akwentile. Timfihlakalo teliVangeli betisolo tifihliwe kusukela kwasekelwa umhlaba, kodvwa betifanele kwembulwa kuletinsuku leti tekugcina. Futsi ngako, uma iNkhosi itsandza, ngifuna kukhuluma ngaloko.

¹⁹ Bese-ke, kusasa ebusuku yinkonzo yekuvala, futsi sitotsanza kutsi niphume uma ningakhona.

²⁰ Khona-ke kusuka lapha ngiya eYuma, nekusuka eYuma ngiye ePhoenix, bese-ke ngiyabuya. Sisuka lapho, bese-ke ngyiahamba eluhambeni loluncane lwekuyotingela, ngesikhatsi seliholide, Liholidi laKhisimusi, nalabanye bebangani bami. Umkami utovakashela bantfu bakubo. Futsi—futsi-ke sitosuka lapho, kutsatsa luhambo loludzabula eCalifornia, nasentasi nasenhlala enshonalanga, incenye yaseningizimu yesifundza lapha, sendlule eLouisiana naseTexas, naseFlorida. Bese-ke kusuka lapho, ngesheya kwetilwandle, iNkhosi itsandza, kweluvakasho loludze. Futsi ngiyayicela kakhulu imithandazo yenu.

²¹ Manje, kukutsi, kutoba kahle uma nje besingajabulela Bukhona bemandla aKhe ekuphilisa nayoyonkhe intfo, kodvwa kunengi lokuhambisana nako kunaloko. Niyabona, kunengi lokuhambisana nako. Bese-ke, nguleyontfo, uma uyongena entfweni letsite, loko kutsi, kuphambanisa bantfu. Manje, wonkhe umuntfu bekakholelwaa ekuphiliseni kwaNkulunkulu, ngani, bebatovele bawele ngco kuloko kuphilisa kwaNkulunkulu, futsi batsi, “Akadvunyiswe Nkulunkulu,” futsi amemete futsi abenesikhatsi lesihle kakhulu. Kodvwa-ke kutsiwani nge... Lowo ngumsundvu nje ehhukeni, niyabona, loko nje ngu—ngumsundvu. Lihhuka ngilo lelibamba inhlanti, nelihhuka liLivi. Manje, Jesu bekayiNdvodza ledvume kakhulu kuphela nje uma Akhulekela labagulako.

²² Manje, asisuye Jesu, kodvwa ngu—nguYe asebenta ngatsi, sonkhe, ndzawonye. Akekho nje kumuntfu munye. Ukulo lonkhe likholwa. Sikukholwa kanjalo-ke kuPhila. Bese-ke, kuloko, niyabona, kukhombisa kutsi akunandzaba kutsi Nkulunkulu bekangangigcoba kangakanani, khona lapha ngembili, uma Angakugcobi ngendlela lefanako, ngephandle lapho, akukho lokutokwenteka. Kubita tsine sobabili, ndzawonye. Tsine, sifanele sibe njalo, kokubili, kutsi sifanele sibe ngiwo omabili emakholwa.

²³ Ngaphandle uma kukhona intfo letsite Lafuna kuyibita, kukhombisa nje emandla aKhe lamakhulu, niyati, akubekhona lokutsite lokuvumela lomunye lotama kwenta lokutsite lokungekho kahle, noma lokutsite, Bekatobita. Niyabona, kodvwa utofanele, sivele sibuke loko. Kusobala, ngaletinye tikhatsi Usitjela tintfo, nebantfu (labatishoko) kutjelwa tintfo labangafuni kutiva. Futsi angifuni kukusho, kodvwa, uma Enta kukhuluma, senta nje labalalele bese-ke kuba ku-kuphendvuka. Manje cabangani ngaletintfo leti, futsi nikhuleke.

²⁴ Futsi khumbulani manje, njengoba ngifanekise inkonzo yaKhe, niyabona. Kucala, umprofethi waseGalile, wonkhe umuntfu waMkholwa kutsi ungumprofethi. Kodvwa Bekangu “mprofethi,” kuphilisa labagulako, kodvwa ngesikhatsi Ahamba kuyochukulutana nebaFarisi nebaSadusi, nemasiko abo, khona-ke Uba yi “ndvodza leluhlanya.” Batsi, “Uyahlanya.”

Bebangafuni kutihlanganisa ngalutfo naYe. Futsi ekugcineni kwholela ekubetselweni kwaKhe.

²⁵ Futsi nguleyondlela lobekuhlala kwenta ngayo. Kusukela phansi eBhayibhelini, kwente intfo lefanako. Futsi kutokwenta intfo lefanako ngalenddlela, njengoba kunguNkulunkulu. Kutofanele kute kuloko kuphela nje kwsikhatsi. Kodvwa ungeke uwubetsele uMlayeto. Ningahle nisibetsele sitfunywa, kodvwa aniyuze niwubetsele umlayeto waso uma uvela kuNkulunkulu, ngoba nguMlayeto. Sona singumtfwali nje weMlayeto.

²⁶ Manje njengoba besicoca imizuzu lembalwa, bukisisani, sekunguye siphohlongo impela nje manje, futsi ngifuna kutama kutsi libe liphumile libandla nase igabence yemfica, kute nifike ekuphumuleni bese niya kuSontfo sikolwa. Futsi kusasa lusuku lolukhulu. Loku kutoba tinkonzo letimbili tami, namuhla. Futsi—futsi ngesikhatsi ngisengumfo lomncane... Tinkonzo letimbili timatima kunoma ngumuphi umfundisi, uma utitsatsa ngenhlitiyo yakho yonkhe. Manje uma nje uya lapho kwenkhulumo yekuhlakanipha, ungayenta njalo ngemizuzu lengemashumi lamatsatfu, emashumi lamane, elusukwini, futsi kungakukhatsati. Kodvwa uma ubeka yonkhe inhlitiyo yakho lapho, ubambe uMoya waNkulunkulu embikwebantfu, loko kwehlukile.

Manje asikhulekeni.

²⁷ Babe loseZulwini, akutsi tibusiso taKho nesihawu kuphumule etikwetfu manje, njengoba sihamba ekukhulumeni kwetfu, singena eVini. Futsi akutsi Livi lentiwe inyama emkhatsini wetfu, futsi kusihlwa, kute libandla liphindze futsi, sonkhe, kanyekanye, sibone, sitivele, futsi sati, Bukhona baJesu Khristu, iNkhosi yetfu levukile. Ngoba, siyaMtsandza, Bukhona baKhe bukuPhila kitsi. Futsi kwangatsi singaphumula, kusihlwa, eNkhatimulweni yeShekhina futsi sicondzе kutsi kuyiNkhatimulo yeShekhina, eBukhoneni baKhe. Sikucela eGameni laJesu, kutsi Utosephulela Livi manje. Amen.

²⁸ Manje vulani emaBhayibhelini enu, uma nikhatsalela kukwenta, eNcwadzini yaMakho loNgewe, sahluko se 4. Ne—nesihloko sami kusihlwa, ngitokubita ngekutsi, *Hamba, Uvuse Jesu*. Nesifundvo sami kusihlwa sitsi, “Kubitela Jesu Enkhundleni.” “Hamba, uMvuse,” niMbitele enkhundleni! Naku kufundvwa kwemBhalo, lokuvela kuMakho loNgewe, sahluko se 4, sicale ngelivesi lema 35.

*Futsi ngelusuku lolufanako, lapho kuhlwa sekufikile,
yena watsi kubo, Aseweleni siye ngale ngesheya.*

*Nasebahambise sicuku, bahamba naye njengoba nje
bekasemkhunjini.*

²⁹ Loko bekungeke yini kwente sihloko lesimangalisako, “Mtsatseni Yena njengoba Anjalo”? Mtsatseni Yena ngendlela Letfulwe ngayo kini, niyabona, Msatseni nimfake emkhunjini.

Futsi kwakukhona futsi kanye naye leminye imikhumbi lemincane.

Futsi nako kuvuka sphepho lesikhulu semoya, nemagagasi ashaya kulomkhumbi, waze ke manje wagcwala.

Futsi bekasencenyeni lengemuva yemkhumbi, alele emcamelwensi: futsi bona bamvusa, base batsi kuye, Nkhosi, awunaki yini kutsi siyahubha na?

Wase uyavuka, futsi wekhuta lomoya, futsi watsi kulo lwandle, Thula, utsi dvu. Nemoya lohhushako wancamuka, kwase kubakhona kuthula lokukhulu.

Wase utsi kubo, Yini nesabe kangaka? yini lokutsi ningabi nekukholwa?

Futsi baba nekwesaba lokukhulu, base batsi lomunye kulomunye, Kantsi hloboluni lwemuntfu lolu, kutsi ngisho nemimoya lehhushako nelwandle kuyamlalela na?

³⁰ Futsi lomBhalo utsi, “Uyafana!” Imimoya nemagagasi kuyaMlalela.

³¹ Ufanele kutsi bekadzinwe kancane ngalolosuku. Inkundla yetfu itfolo iNkhosi yetfu, kusihlwa, njengoba sitama kutsatsa sikhatsi ngasinye, kuhleka lapho Akhona, naloko Lekwentako.

³² Ngiyatsanza kuMlandzela, anitsandzi yini nine? Ngiyatsanza nje kuMlandzela futsi ngibuke imisebenti yaKhe. Futsi kucabanga nje kutsi ngalelinye lilanga siyoba naYe futsi siMlandzele, naYe, kumuntfu, njengekubona ngemuzwa wetfu wekubona njengoba senta manje, futsi—futsi sibe naYe ingunaphakadze. O, kubuka nje Yena, bekungabakuhle ngalokwenele kimi. Kubona nje Yena, loko—loko—loko bekungangenela mine.

³³ Futsi manje sitama kutsatsa inkundla, futsi siyaMtfola lapho Akhona, loko Lakwentako. Inkhatsato iyefika, nekutsi Uyinakekela kanjani inkhatsato, nekutsi ubatjela kanjani kutsi bebaneke bakwente. Futsi siMtfola ngephandle elwandle, lengemuva kwesikebhe. Bekakadze nje anelusuku lolumatima kabi. Akungabateki kodvwa kutsi umtimba waKhe wawukhatsele, futsi Bekakhandlekile. Futsi ativela akhatsele futsi abutsakatsaka, emandla bekaphumile kuYe, ngoba Bekakadze ashumayela futsi—futsi akhombisa sibonakaliso saKhe lesikhulu sekutsi BekanguBani, futsi afakaza kubantfu, futsi aphilisa bantfu.

³⁴ Futsi—neticuku, letinye timhalalisela naletinye timhhawuta. Ungake ucabange nje bantfu benta loko kuJesu? Kwakubukeka kwangatsi bebayokwati kancono kunaloko. “Yebo-ke,” wena utsi, “loko...”

³⁵ Benta intfo lefanako namuhla, ngalokufanako nje. Niyabona, uma Efika namuhla, futsi nje entfweni lefanako, indlela Lenta ngayo ngalesosikhatsi, bantfu namuhla bebato “mhhawuta” Yena futsi baMbite nge “luhlanya” njengoba benta nje ngalesosikhatsi. Niyabona, bekuyobe kuyafana nje. Futsi bayakwenta. Bebaneke baMcondze. Live alizange likucondze kuhamba kweliciniso kwaNkulunkulu. Futsi kungeke kukucondze, ngoba live.

³⁶ “Live lingek lisaNgibona,” Watsi, “kodvwa nine nitawuNgibona, ngoba Ngitawuba nani, futsi Ngitawuba kini, kute kue sekupheleli kwemhlaba.” Kube bantfu bebangabona nje lelocaphuno linye lelivela kuYe, khona lapho, bebayocondza kutsi sikuphi kusihlwa.

³⁷ Ungake ucabange nje umuntfu longakaze abe nalomuzwa wekubona, angazange sekabone na? Futsi ungashayisa etikwetintfo. Nifanele nitfole kudla kwenu emandleni latsite, kuleminye imitfombo. Kodvwa bewunga—bewungashayisa entfweni letsite. Bewunemuzwa wekutivela, kodvwa hhayi kubona. Kwase kutsi-ke, khona masinyane nje, lomunye wavula emehlo abo, futsi babona umhlaba lophelele lowehlukile. Bebangakaze bayibone nomayini.

³⁸ Futsi uma-ke bewungatsi, “Yebo-ke, manje, loko bekungaba ngulokufutfumele kuwe, loko lilanga.”

“Yini lilanga?”

“Kukhanya.”

³⁹ “Yini kukhanya?” Niyabona, akazange ahlale kulowomuzwa. Akati kutsi kuyini.

“Loko lopampa uphambane nako nje, yintfo *letsite-tsite*.”

⁴⁰ “Yebo-ke, yini leyo?” Niyabona, akazange sekahlale kulelozinga, nhloba. Bekungaba ngulokungakejwayeleki kuye, kukwati.

⁴¹ Yebo-ke, manje, uma Nkulunkulu asivumela siphile, singekwemtimba lapha emizweni lesihlanu. Kodvwa kunalomunye umuzwa. Bese kutsi-ke uma siphaphama kulowomuzwa, futsi lowo ngumuzwa wembono, futsi sibona leyontfo, kutsi kuyini loko lokusenta sitivele letintfo leti lesitentako. Futsi sitame kutjela lomunye ngaKo, kube nje njengekutjela umuntfu longakaze akubone, emphilweni yakhe. Bekangeke akucondze, ngoba a—akawejwayeli lowomuzwa. Futsi kungaleyondlela eVangelini. Bona, abakucondzi. Kulukhuni kubatfola kutsi bakubone, nganca yekutsi abakaze bahlale ekhatsi lapho. Abati lutfo ngako. Bayakuva, futsi ba—

bangaba nekuphendvula kwako; kodvwa empeleni kwati kutsi kuyini, asati. Ngako uma ningabona ngale kwalelokhethini, lapho loko kuvela khona, bese-ke batama kubuya emuva futsi batjele bantfu labakuvile ngalomuzwa wekutivela, kanjalo, futsi bangakaze bakhone kuwubona, kulukhuni kuchazela umuntfu. Kodvwa ufanele nje wente lokuhle kwendlula konkhe longakwenta kuze kutsi “sonkhe sibone buso nebuso.”

⁴² Manje sibona Jesu lapha, akhatsele, akhandlekile, futsi kwangatsi sengiyabona nje, Yena ati kutsi kunemsebenti lomkhulu ngelusuku lolulandzelako, lohleli ngembili kwaKhe, ngale eGadara, lapho kwakukhona umphefumulo munye lowawubita Nkulunkulu. Ungake ucabange nje Jesu atsatsa i...akhatsele futsi akhandlekile, futsi ancamula lwandle lolunesiphepho, kuyofika emphefumulweni munye nje? Kodvwa Uyakwenta. Nguleyondlela Lakwenta ngayo.

⁴³ Umkhumbi wawewela, futsi Watsatsa lelitfuba kutsi atsatse kuphumula lokuncane, kutsi avuke. Nebafundzi baKhe besebabuyele emuva etikhundleni tabo nemsebenti wabo wemihla ngemihla, loko lebebakwentile. Imvuselelo yalolosuku yase iphelile.

Intfo lefana nanamuhla, ngiyakholwa. Ngikholwa kutsi kuyintfo lefanako.

⁴⁴ Futsi ngalesikhatsi lesi, Beka—Bekatsetse kuphumula lokuncane, mhlawumbe nje emkhatsini wemihlangano. Nebafundzi babuyela emuva emisebentini yabo lemidzala.

⁴⁵ Manje asesingenelele kubo, ngiyakholwa bangahle kube bebajabula, bakhuluma ngetintfo lebebatibonile tentiwa ngalolosuku. Kwakukadze kunetintfo letinkhulu letentekile. Bantfu bese baphilisiwe, bulephelo. Futsi bebanesikhatsi lesimnandzi. Futsi lapho basahambisana nemsebenti wabo ebandleni, noma ba...Libandla akusiso lesakhiwo; bantfu labenta libandla. Futsi bebajabula kuloko lebebakubonile kwentiwa. Futsi bangahle kube bebacoca ngebumesiya baKhe, kutisho kwaKhe; Bekatisho kutsi uLivi, Bekatisho kutsi uLivi nemlayeto walelo-awa.

⁴⁶ Nemprofethi, lobekakadze aLivi ngaphambi kwalapho, waMetfula, futsi watsi, “Sikhatsi sami sesiphelile. Ngiyigewalisile incenye yami, leLivi lebengifanele ngiligewalisile. Manje Utobonakalisa lonkhe Livi, kusukela lapha kuphumele ngephandle, ngako sikhatsi sami sesiphelile,” Johane, ngako wadzingeka asuke enkhundleni ngesikhatsi Jesu efika enkhundleni.

⁴⁷ Futsi ngesikhatsi Efika enkhundleni, Ufika impela nje, futsi enta kona kanye nje, futsi enta nje njengoba Mesiya bekafanele ente, loko leBekafanele akwente. Futsi loko kufanele kube yingcogco yakhe njengoba bakhuluma.

⁴⁸ Mhlawumbe labanye babo bebanebufakazi. Lomunye wabo atsi, "Uyati, angikaze ngicabange nga—ngako kakhulu ngaze ngacula kufundza imiBhalo loko Mesiya bekafanele kuba ngiko, ngoba Bekatokuba ngulowomprofethi. Futsi-ke ngiyacondza kutsi, lenye intfo, ngesikhatsi ngiMbona ahlephula lesosinkhwa futsi ondla labobantu. Ngubani lobekangadala, kodvwa nguNkulunkulu covo lwaKhe? Ngako lowo kufanele kube nguMesiya." Futsi, bona, "Akekho longadala ngaphandle kwaNkulunkulu. Nkulunkulu nguye kuphela uMdali lokhona. Futsi lapha Watsatsa imicatsane lemincane lesihlanu netinhlanti letincane letimbili, futsi wondla tinkhulungwane letisihlanu, futsi watsatsa emabhaskidi lasikhombisa lagcwele, tincetu tisele. Kantsi, kute lokungenta loko ngaphandle kwaJehova, Lolofanako lowanisa sinkhwa sivela etibhakabhakeni. Ngulowo kuphela Lobekangakwenta. Futsi Nangu lapha, atiwa emkhatsini wetfu, esimeni lesitfobekile sembati, uMuntu lojwayelekile. Nangu loJehova lobekahlala emaZulwini, akekho lobekangambona; loNkulunkulu longabonwa wentiwe wabonakala lapha emkhatsini wetfu, ngoba, siyaMati, Wenta imisebenti lefanako nalena leyentiwa nguJehova."

⁴⁹ Futsi Watsi kubo, "Uma Ngingenti imisebenti yaBabe waMi, khona-ke ningaNgikhola. Mesiya bekafanele kuba nguJehova, *Emanuweli*, 'Nkulunkulu unatsi.' Futsi uma ngingenti imisebenti ya-Emanuweli, uma ngingenti njenga-Emanuweli, imisebenti yaMi ayifani na-Emanuweli, khona-ke—khona-ke angisuye Emanuweli. Kodvwa uma ningeke ningikholtwe Mine, bukani nje lemisebenti lengiyentako. Iyafakaza kutsi NginguBani." Niyabona na?

⁵⁰ Futsi loko kungahle kube bekuyingcogcisiwano yabo lapho basakhuluma. Bese-ke lesifundvo singahle kube sifikile emvakwaloko, ngesikhatsi... Mhlawumbe labanengi babo bebangafakaza. Nango Andreya, ngabe wafakaza.

⁵¹ Phetro bekangasho loko lokwashiwo nguJesu kuye. "Ngani, ungibita ngeligama lami? Ngubani lobekanganati ligama lami ngaphandle kwaNkulunkulu? Wangibita ngekutsi ligama lami belingubani. Wangitjela kutsi bengingubani. Wabita ligama lababe wami, futsi leNdvodza yayingakaze ingibone. Ngani, kufanele kube nguMesiya. Futsi sicaphelile."

⁵² Manje siyatfola, ke, kutsi bebacocisene ngesimo sebantfu mayelana naLoko. Loko kungahle kube kwakukucoca kwabo lokulandzelako. Jesu bekalele sonkhe lesikhatsi; wabuyela emuva kuyophumula. Manje ake sibhobokele nje enkhundleni futsi sibabukisise; timo tebantfu. Labanye babo batsi...

⁵³ Yebo-ke, labanye babo bakhulwa. Labanye babo batsi, "Indvodza ayizange ikuhulume kanjena phambilini. Ngoba, loko lokushiwo ngulowoMuntu, Nkulunkulu uyakusekela loko Lakushoko. Futsi siyati, ngemBhalo wetfu—wetfu, kutsi

uma Nkulunkulu acinisekisa loMuntfu, loko Lakushoko kufezeke, khona-ke siyati kutsi Nkulunkulu unalowo Muntfu. Futsi Nkulunkulu usitjеле kutsi simesabe lowoMuntfu, ngoba Ukanye naYe. Livi laKhe liLivi laNkulunkulu, ngako Mesabeni.” Futsi ba—batsi... Manje, kungalesosizatfu besaba kakhulu emvakwekuba sebabone Yena enta imimoya nemagagasi kulalela. Batfutfumela ngoba bebatı kutsi lowo kwakunguNkulunkulu. Kwakufanele kubenjalo. Nkulunkulu walihlonipha Livi laKhe. Loko Lakusho, kwenteka, base-ke bayati kutsi lowo kwakunguMesiya.

⁵⁴ Manje, njengoba bebacoca ngesimo sekutiphatsa, batsi, “Labanye babo bakhola, nalabanye abafunanga kukholwa.”

⁵⁵ Manje, sihlala njalo sikutfolia loko emkhatsini wemabandla, lonkhe libandla, sitfolia tinhlobo letintsatfu tebantfu. Ecinisweni, ngashumayela ngako, lapha kungesiko kadzeni, ngiyakhola eNew York City, noma ndzawanatsite, tinhlobo letintsatfu tebantfu. Futsi, loko kutsi, emakholwa, labangakholwa, nebazenzisi. Futsi sahluko nje noma letimbili emvakwalesi, sitfolia kutsi litsimba laKhe luCobo lefika kuloko, futsi bafakaza impela kutsi nguloko lebebangiko. Manje ake sicabange nje ngemakholwa nalabangakholwa, umzuzwana nje lapha.

⁵⁶ Emakholwa ngiwo lagcotjwa futsi amiselwa ngaphambili eVini. Lomzuzu labaKubona ngawo, beneliseka, kuPhila kuyavumbuka kubo futsi bayakwemukela. Labo bafundzi. Akukho mbuto engcondvwensi yabo ngaLo, nhlobo. Balandzela ngekuhambisana ngco. Bafundzi bebangemakholwa. Bakhola.

⁵⁷ Manje, cishe impela sikhatsi, longakholwa sibili utotentisa kutsi uyakholwa. Manje, longakholwa bekafana nalabangemashumi lasikhombisa, balandzela ngekutsandvwa bantfu nangebukhatikhati benkonzo yaKhe. Bebakujabulela kusukuma lapho ngesikhatsi Akhona kuvusa labafile futsi ahlante labanebulephelo, futsi—futsi asho tintfo tingakenteki letatenteka kahle nje. Kodvwa ngalelinye lilanga Wakhulumia intfo letsite, lephuma kusivumokholo sabo. Futsi watsi nje Angasho intfo letsite leyaphatamisa loko lebebakukholwa, emashumi lasikhombisa atsi, “Lena yinkhulomo lelukhuni, watsi, ‘Utotsini uma ubona iNDvodzana yemuntfu yehlela etulu eZulwini lapho Yavela khona?’ Manje, loMuntfu lesilala naye, loMuntfu lodla natsi, loMuntfu logeza buso baKhe netandla endishini lefanako lesigezelia kuyo, loMuntfu lodla njengoba ngenta, ulala njengoba ngenta, unekuphumelela nekwehluleka kwaKhe, futsi utsi wavela eZulwini? Loko kulukhuni kimi.” Niyabona na? Futsi bentani na? Abakhonanga kuhlala emhlanganweni. Basukuma base bayaphuma. Uh-huh. Niyabona na? Bagcwalisa. Labo ngulabangakholwa. Niyabona na? Abakhonanga kukumela. Cha, mnumzane. Besuka futsi bangasaphindzi bahamba naYe.

⁵⁸ Manje, kunemakholwa la... akukho lutfo lolungabehlukanisa naLo.

⁵⁹ Futsi nabo ke labangakholwa, futsi masinyane nje uma kushiwo nomayini lengavumelani naloko labakukholwako. Khumbulani, liBhayibheli lisifundzisa kutsi longakholwa uyosondzela kakhulu njengelikhholwa sibili, kutsi kutodukisa nalabaKhetsiwe uma bekungenteka. Niyabona, loko kungakholwa. Kodvwa nje masinyane kungashiwo intfo letsite lebangayitsandzi, sebahambile. Niyabona, loko kungakholwa. Loko kukhombisa kona kanye nje.

⁶⁰ Uma kuKhanya kwekuPhila kukhanya, kumilisa leyombewu, Ingantani etikwelidvwala? Angeke yente lutfo. Ingantani etikwentfo lefile? Ayikatfunyelelwa intfo lefile. Lilanga likhanyela imbewu lechumela ekuphileni. Futsi leliBhayibheli leli neLivi laKhe, ngeli-awa lesiphila kulo, likhanya etikwalabo kutsi babambe kuPhila lokuphakadze, labo labamiselwe ngaphambili kutsi baLibone. Futsi ngeke kwente nalokuncane lokuhle etikwabo bonkhe labanye. Akukho kuphila lapho lokuvela ngelilanga, noma ngekuKhanya.

⁶¹ Khona-ke siyatfola, kutsi bafulatselisa imihlane yabo futsi bangasaphindzi bahambe naYe. Ngulapho-ke kwakhulunywa intfo lelungile... washo njalo Simon Phethro. Jesu, emvakwekuba labangemashumi lasikhombisa baMshiyile, ngesikhatsi Atsi, "Yebo-ke, ini..." Ubanika lenye IMFundziso lecinile. Yena, tinsuku taKhe tekuphilisa tase tisiche nje setiphelile. Bekangenandzaba, bekangeke aphilise lokunye lokunengi kakhulu. Bekatobatjela ngentfo letsite lebeyincono. Futsi Watsi, Ucala kubatjela loko, Yena lapho wembula kubo kutsi BekanguBani empeleni. "Niyotsini uma nibona iNdvodzana yemuntfu i de... yenyukela eZulwini lapho Ivelé khona na?"

⁶² "Manje sinelirekhodi laKho lekutalwa lapha. Watalwa nguMariya naJosefa, entasi eNazaretha. Futsi lapha Wena utsi Wehla uvela eZulwini? Yebo-ke, loko yi... Wena, Uyahlanya, ngiyakholwa. Niyabona na? Yebo-ke, besingeke sifune kulandzela uMuntu lonjalo." Ngako, basuka bahamba. Bahamba. Loyo ngulabangakholwa.

⁶³ Kodvwa caphelani manje, kunemakholwa. Akunandzaba kutsi kwentekani, kutsi kwentekani, kulukhuni kangakanani, kutsi kuyimfihlakalo kanjani, bayakholwa, noma kunjalo. Loko kunjengewesilisa noma wesifazane lokhulekelwe. Bayakukholwa. Akukho lutfo lolutobenta banjintje umcondvo wabo. Bangemakholwa elucobo. Futsi akukho lutfo, akunandzaba kutsi kubonakala kulukhuni kanjani, kuyini loku, naloku kungenteki, loko akukaphatselani ngalutfo naKo. BayaKukholwa, nakanjani.

⁶⁴ Manje, Angahle kube washo tintfo letinengi bafundzi labangazange batikholve, noma bangaboni, kodvwa baLikhholwa, nomakunjalo. Bachubeka naLo, ngoba bebanesiciniseko kutsi umBhalo wawumkhombe mbamba Jesu kutsi abe ngulowoMesiya.

⁶⁵ Futsi ngikholwa kutsi umBhalo namuhla ukhomba ngalokuphelele lomnyakato lomkhulu waNkulunkulu etinsukwini tekugcina, taMoya loNgcwele, kutsi abe nguJesu Khristu longuye itolo, namuhla, naphakadze. Ngikholwa kutsi umBhalo uyaWukhomba sibili. Anginandzaba kutsi noma ngubani lomunye ucabangani ngaLo, sikhholwa Loko kutsi kuliCiniso ngoba Likhonjwe ngalokucacile.

⁶⁶ Wena utsi, “Mnaketfu Branham, ngiyati kutsi uyaKucondza.” AngiKucondzi. NgiyaKukholwa nje. Angikwati kuticondza letintfo leti. Angitami kona. Ungeke umcondze Nkulunkulu, Ufanele emukelwe ngekukholwa. Futsi kukholwa kuyintfo loyikholwako, longeke wayichaza. Nako laph’ukhona. Nalo ke liCiniso.

⁶⁷ Manje, kunalelinye licembu lelihlala njalo lime ngalapho, futsi lowo ngumzenzisi. Manje, lowomzenzisi utsatfwa ngekutsi ngumzenzisi.

⁶⁸ Manje asitsatse umzenzisi. KwakunguJudasi. Bekangumzenzisi. Futsi-ke bazenzisi bayabambelela njalo njalo, betame kutfola lokutsite kuLo. Bayanamatsela sikhatsi lesidze ngalokwenele kutfola nje kutsi abakhoni yini kutfola liphutsa lelincane, khona-ke uyaphuma futsi ukudalula ndzawanatsite. “Sifuna kutfola kutsi hlobo luni lwelichinga, kutsi nguluphi lunyawo lwalogwaja lonalo lolushikisha ngemuva kwetindlebe takho. Yini lichinga na?” kute baLilingise, noma lokutsite. Buzenzisi lobo. Yinchubo yaJudasi leyo.

⁶⁹ Labo labangakholwa, bazenzisi, nemakholwa. Bobatsatfu labo bakhona yonkhe indzawo emhlabeni wonkhe. Bebavele bakhona, bayohlala bakhona futsi. Manje kucabangemi kusihlwa, lapha nakuletheyiphu kulabo labatokuva. Letotinhlobo letintsatfu letihleti, nguletinhlobo letintsatfu talababantfu njalo tiyabutsana.

⁷⁰ Munye, loko akwenti mehluko kutsi kufikani noma kuhambani, basasolo baLikhholwa. Banetisekile sibili.

⁷¹ Labanye bayokholwa lokunengi kakhulu kangako kwaLo, futsi-ke abafuni kukholwa ngiko konkhe lolokunye. Loyo ngulabangakholwa.

⁷² Bese-ke kutsi labazenzisi kuba ngibo lababambelelako, bayingayinga laphi nje baze batfole lokutsite. Batsi, “Uh-huh, nako laph’ukhona. Kunguloko ke. Uh-huh, lapho, ngacabanga kutsi bekukhona lokutsite. Nako laph’ukhona!”

⁷³ Kepha likholwa mbamba, loko akumnyakatisi nakancane. Kute lokumnyakatisako.

⁷⁴ Kutsiwani ke ngaJesu eme lapho, bakhafunela buso baKhe, nengati ebusweni baKhe, nemchele wemanyeva etikwaKhe, na—nako konkhe loko Lebekanako lapho, sicuku lesihhalatisako, nakanjalonjalo? Yebo-ke, bekayocabangani longakholwa ngaloko, noma umzenzisi na? Wavele nje waMtengisa. Futsi, uyatfola, umzenzisi nguye lokutsengisako. Nguye futsi lophazamisa inkonzo, nguloyo mzenzisi.

⁷⁵ Kodvwa likholwa sibili, akunandzaba kutsini, baneliseke mbamba. Banetisekile impela, ngoba kuPhila lokukubo sekuvele kube nguKhristu. NguKhristu. Akusesiwe, kodvwa nguKhristu lophila kuwe. Futsi, akunandzaba, “Kute,” Pawula watsi, “esikhatsini samanje, kulesitako, kufa, ingoti, kuhlubula, noma ngabe kuyini, lokungasehlukanisa nelutsandvo lwaNkulunkulu lolukuKhristu.” Cha, labanengi, bangakhi *baloku*, *lokwa*, noma *lolokunye*, labavukako, bangakhi boDokotela betebuNkulunkulu labangatama kuLichaza balikhweshise futsi batsi Kukwalolunye lusuku, loko akukwehlukani nhlobo. Ulapho kutsi uhiale. Nguwe kuKhristu, awusesuye wakho lucobo. Nguwe lowo, wena naNkulunkulu, wedvwa.

⁷⁶ Futsi masinyane nje longakholwa angatfola liphutsa khona, utawuzama kuhamba nomakanjani, nanguya ahamba.

⁷⁷ Umzenzisi uhlala sikhatsi lesidzanyana, aze atfole tintfo letiyincwaba tekuLigceka.

⁷⁸ Ngako nabo-ke bakho labatsatfu, bonkhendzawonye. Ngulolohlobo lebebanalo ngalesosikhatsi. Ngulolohlobo labanalo manje. Ngulolohlobo labayoke babenalo aze Jesu covo lwaKhe, noma Nkulunkulu kuleso Sihlalo Lesikhulu Lesimhlophe Sekwahlulela, abehlukanise.

⁷⁹ Labanye batsi, “Umuntu akakaze akhulume njengaloMuntfu. Loko Lakushoko kuyafezeka.”

⁸⁰ Labanye, labangakholwa, batsi, “UnguBhelizebule. Ungaphandle kwaKhe. LeNdvodza Ilahlekelwe yingcondvo.”

⁸¹ Niyati, kunentfo lenkhulu Sathane letama kuyenta. Utama kwenta si—si—sifunywa, bantfu impela labaNamoya loyiNgewe, batama kusho kutsi, “Balahlekelwe yingcondvo yabo.”

⁸² Ngitfole incwadzi lendluliselwa kulabanye, incwadzi yangalela langa, ngaphandle, itsi, “Tatane lomnakettu Branham!” Itsi, “besikhholwa kutsi ungu Eliya.” Iphindze itsi, “Niyati kutsi—kutsi, niyati, ulahlekelwe yingcondvo.” Futsi watsi, “Sembatfo sa-Eliya sehlela etikwa-Elisha, lowo kwakungumkami. Futsi utsatsa inkonzo, kutsi achubeke nalokuphindvwe kabili.” Wesifazane? Ngabe kwakunguye,

ngabe Eliya walahlekelwa ngumcondvo wakhe, noma bekakhushulwa ngaphandle kwekuwa, encoleni, aya eZulwini na? Hum! Niyabona na? Kodvwa, ninako loko nje, niyabona, nguloko—nguloko lesifanele sikulwele.

⁸³ Labanye babo batsi, longakholwa, watsi, “Lomfo unguBhelzebule.”

⁸⁴ Kufanele kutsi kwakukadze kunguJohane, watsi, “Cabanga nje ngaLoyo Lowenta konkhe loku!” Manje sekubuyele emakholweni futsi. Watsi, “Cabanga nje, Lowo lo—lowente konkhe kwaloku lesicabanga ngako futsi sikhuluma ngaye, nekuvakalisa kwebantfu labehlukene! Sonkhe singemakholwa,” washo. “SiyaLikhola. Yebo, mnumzane. Senelisekile kutsi siyati kutsi kukhonjwe ngekweliciniso. Nango Alele, uMuntfu lofako, alele khona lapho kuleyo dekhi, Khona lapho emuva kuleyondlu lencane yetingodvo, ngatsi, ulele tikwemcamel. Sambeka khona lapho emuva, walala. Kepha asewukucabange! Yena loYo Nkulunkulu wendalo uhamba natsi ngemkhumbi kulamanti kanye natsi.” O, hhe! Amen.

⁸⁵ Lawomanti lamanengi abeyingoti. Niyati, kwavumbuka siphepho futsi kusasolo kwenta intfo lefanako, uma uke wabakhona ngaseJerusalem. Ngiyacabanga, Jack, uyakhumbula. Letiphepho solo tiyakhukhula namanje kulowa msele lapho, futsi tashaya lololwandle futsi tacwilisa badwebi, njengoba nje senta ngalesosikhatsi. Sivumbuka, awukhomi ngisho kubona leso siphepho sita; khona masinyane nje, sesilapho.

⁸⁶ “Futsi cabangani nje manje, sinako konkhe, tonkhe timphilo tetfu, besaba kwewela lamanti layingoti lapha. Kodvwa khumbulani, yena kanye loYo lesimatiko nguMdali, ulele khona lapho esikebheni, unatsi. Ngitiva ngikahle! Anitiva nine, bafana na?” Bebayotsi, “Amen. Yebo, mnumzane. Nango ke Yena esikebheni!”

⁸⁷ Futsi lokungiko kwati lusuku lesiphila kulo, kutsi bebayibonile inkomba, loko, futsi bekanelisekile, akunandzaba kutsi lomunye umuntfu utsiteni. Sincumo sabo besingalabakholwako, nebazenzisi, nalokunye njalonjalo. Kepha bona lucobo lwabo bebaLikhola. Futsi bebatu kutsi bebanaYe anabo. Akunandzaba kutsi noma ngumuphi webantfu bonkhe, bebabajulile kuba naYe.

⁸⁸ Ngijabulile, nami. Anikajabuli yini? Akunandzaba kutsi lonkhe live litsini. Mine ngijabula kwati kutsi untjweza kanye nami kulolwandle lwetinkinga lwemphilo kanye nami, khona lapha emkhunjini. Amen. Amen. Antjweza etikwetilwandle lwetinsizi tekuphila, njengoba Enta, nakuwo onkhe lawo manti layingoti, ungati sikhatsi lawungahle udutjulwe khona, ubulawe, ucumbeke phansi ufe, noma yini ingenteka. Kodvwa uMdali...

⁸⁹ Uyini wena, nomakunjalo na? Usigadla lesincane selubumba lwaseLouisiana, nemphilo letsite kuso. Nguloko kuphela. Ngisho noma uwase Texas, leyondzawo lenkhulu, usasolo nje usesigadla seludzaka lwaseTexas nemswakama lomcane kulo. Futsi nguloko kuphela longiko. Kunjalo impela. Futsi nguloko lenibuyela kuko.

⁹⁰ Kodvwa, empeleni, lwalungahamba kanjani lolodzaka, luphefumule, ludle, kube belungekho imphilo kulo na? Futsi, cabangani, kwakufanele kudalwe! Futsi yena kanye loMdali lowakudala, ugibele kulowomkhumbi weludzaka. Amen. Wangenta ngaba nguloko lengingiko, ngaphandle kwesifiso; Angangivusa kangakanani-ke ngesifiso sami, ngeLivi lesetsembiso saKhe!

Kuntjweza etikwetikhatsi letimatima tekuphila, (Sifanele siphile njengaYe, akutsi uMoya waKhe usebente ngatsi.)
 Ngemnaketfu lose alahle litsema nalophihlikelwe ngumkhumbi,
 Ekuboneni, uyotfolia sibindzi futsi.

⁹¹ Cabanga, Ukanye natsi, impela. Kwaze kwevakala kunekuphepha, sisantjuza kulawa manti lakhohlisako! Kufanele kutsi kwakuyinfo lefana natsi khona manje kulesikhatsi samanje, emvakwemvuselelo, batitika ngemiphumela.

⁹² Ngiyalukhumbula luhambo lwami lwekulaca kuya eShreveport, eLouisiana. Angikaze ngive ngaJack Moore, futsi ngikholwa kutsi kwakunguMnaketfu Richard Reed (Angikaze ngimbone uMnaketfu Reed iminyaka) lowangitjela ngeMnaketfu Moore entasi lapha, noma uMnaketfu Kiddson; lomunye walabomnaketfu, ngiyakhohlwa kutsi bekungubani manje. Ngajwayelana neMnaketfu Jack. Ngehlela lapha. Make wakhe lomdzala lotsandzekako, uhleti khona lapha ndzawanatsite. Futsi bekanenkhatso yesisu, futsi samkhulekela. Bekadla kudla kwebantfwana. Sowuyakhona kudla kusukela, kwakhe loku, kudla lokujwayelekile. Kwase ku–ku, kwaba yimvuselelo lenkhulu leyavela, ichutjwa ngenhloko yesikhali boBilly Graham kanye naOral Roberts, na—naTommy Osborn, indvodza lenkhulu, emachawe, aphuma kulelo lelincane... ahamba agenuka emvuselelweni, ente tintfo letinkhulu.

⁹³ Lolosuku entasi lapho, cishe eminyakeni lengemashumi lamatsatfu nakutsatfu leyendlula, noma emashumi lamatsatfu nakune, ngime elusentseni lweMfula i-Ohio lapho, ebhulohweni, futsi cishe bantfu labatinkhulgwane letisihlanu noma ngetulu babutsene elusentseni. Ngangineminyaka lengemashumi lamabili nje budzala, emashumi lamabili nakutsatfu, iminyaka lengemashumi lamabili nakubili noma lengemashumi lamabili nakutsatfu budzala, imvuselelo yami yekucala. Bengibhabhatisa bantfu labangemakhulu lasihlanu, ngaleyontsambama.

Nemadikhoni bekangiholele emantini. Cishe umuntfu welishumi nesikhombisa, ngesikhatsi ngibhabhatisa, ngeva liPhimbo litsi, "Buka etulu." Ngase ngiyagucuka kutsi ngibuke etulu. Make waBilly, sasingakashadi ngisho nekushada ngalessosikhatsi, nje sihamba ndzawonye. Naku kuta leyo Nsika yeMlilo, yenta indingilizi esibhakabhakeni lesiluhlata, ngensimbi yesibili emini ngeNhlaba tingu 15, eta ehla ngco aphuma etibhakabhakeni, kanjalo. NeliPhimbo labhodla, kuyo yonkhe indzawo lapho, futsi latsi, "Njengoba Johane umBhabhatisi watfunyelwa kwendvulela kufika kwekucala kwaKhristu, uneMlayeto lotokwendvulela manje kuBuya kwesibili kwaKhristu." Batfwebuli titfombe batsatsa sitfombe.

⁹⁴ Singakukholwa kanjani loko, sinelwati lwemfundvo yemagama asesikolweni nje, nalokunye njalonjalo? Kodvwa ngakukholwa. Ngaleyontsambama, ngesikhatsi ngikhatsese kakhulu ngesikhatsi sengicedze kubhabhatisa, bebafeale bete bangikhiphe emantini. Kwakulukhuni kutsi ngime ngekuhamba kwagesi kwemfula.

⁹⁵ Futsi Yahamba, yehla, base batsatsa titfombe taYo. Kwakuku-Associated Press, kwahamba umhlabu wonkhe cishe impela, kwenyukela eCanada. Umnaketfu Lee Vayle unayo ikhophi yaso namanje, ngiyacabanga, lesichamuka e-Associated Press, "KuKhanya lokuyimfihlakalo kulenga etikwemfundisi wendzawo loyiBaptisti ngesikhatsi babhabhatisa elunyaweni Iwasitaladi Spring eJeffersonville, e-Indiana." I-Louisville Herald yakutfola, batfwebula titfombe, kwahamba, nakuya kuhamba kwengca e-Associated Press.

⁹⁶ Manje, loko sekube yiminyaka leminengi leyendlula. Kwakungenteka kanjani na? Kodvwa kwakunjalo. Nkulunkulu washo njalo, loko kukwenta kube ngulokucinisile. Futsi intfo le—lenhle kakhulu kwati kutsi sinaNkulunkulu lophilako! Futsi kusukela lapho kuvete imililo yemvuselelo umhlabu wonkhe jikelele. Futsi manje imikhankhaso lemikhulu yekuphilisa netintfo letinkhulu letiyimfihlakalo setichubekile.

⁹⁷ Ngesikhatsi ngicala kufika emkhatsini wenu, ngatsi ngitodzingeka ngnitsatse ngesandla, futsi nje bakubambe kanjalo kutsi kuchumane. Futsi-ke bengingeke ngicabangc ngaloko lebengitokusho, futsi beningabona imiphumela yako. Kusasolo kwenteka, futsi ngikubone kanjalo.

⁹⁸ Wase-ke Uyangitjela, "Uma utobacotfo, kutofezeka kutsi nitokwati yona kanye imfihlo yenhlitiyo yabo." Nine nonkhe, labanengi benu bantfu niyakukhumbula loko. Futsi kuyafezeka, ngaleyondlela nje, impela. Iminyaka lembalwa emvakwaloko, bengiletulu e-Qeen City, eRegina, e-Canada, fusike-ke ngimile enkhundleni, naDokotela Ern Baxter kanye nabo. Nendvodza ita ihamba ngembili emsamo. Futsi intfo yekucala, ngangingati nekutsi ngangitsini, ngabita ligama lakhe, ngamtjela kutsi

kwakuyini indzaba ngaye, futsi lapho kwahamba. Kusukela ngalesosikhatsi, kwachubeka.

⁹⁹ Manje sekufike kulesinye sigaba. Lengingeke ngasisho, kodvwa kuyotikhulumela kona.

¹⁰⁰ Kodvwa khumbulani, enkonzweni lenkhulu, kwenta umlilo wemvuselelo futsi kwtungeleta umhlaba. Futsi manje, eminyakeni lembalwa leyendlulile, leyomvuselelo yahlala sikhatsi lesidze kunanoma nguyiphi imvuselelo lesake sayati emlandvweni. Kute bosomlandvo labangasho kutsi imvuselelo yahlala lokungenani kwendlula iminyaka lemitsatfu, noma ngusiphi sikhatsi. Kodvwa lena seyihambe iminyaka lelishumi nesihlanu, noma getulu, imvuselelo lecondzile yanjalonjalo.

¹⁰¹ Kodvwa manje imvuselelo seyife yaphela. Kungakapheli nje... Nako sekufika iMvula yakaMuva, nemsidlana wayo uyatsanyela nje kwendlula eNgilandi manje, ngakoke kubhakela nje kwayo kwekugcina kutawuphela masinyane. Libandla selitinte laya eLawodisiya futsi, kwenta umnyaka. Kutofanele kube ngaleyondlela. Impela, kufanele kube ngaleyondlela. Manje-ke siyatitka namuhla kusihlwa kule-kulawo manembeletela lasiwacobonga kuleyo mvuselelo.

¹⁰² Loko kutsi akube ngaleyondlela labobafundzi lebekangiyi kusukela emvuselelweni yalolosuku, balindzele lusuku lolulandzelako. Jesu, ngalesosikhatsi, bekaphumulile. Mhlawumbe Bekaphumulile emvuselelweni, njengoba Bekaphumule ngelusuku lwesikhombisa; emvakwekuba Sekente umhlaba ngalesitfupha, khona-ke liBhayibheli latsi, "Waphumula. Waphumula, ngelusuku lwesikhombisa." Yebo-ke, mhlawumbe nguloko Lebekakwenta. Bekaphumulile.

¹⁰³ Khona-ke, masinyane nje, inkhatsato yangena. O, vumela nje liBandla licale kuphumula kancanyana, bese-ke kungena inkhatsato. Umkhumbi wacala kugudlutela, emaseyili aphephuka, nemanti agcwala nswi esikebheni. Kwakubonakala kwangatsi lonkhe litsema lekusindza lalingasekho. Naloku nje bebaMbonile enta tintfo letinengi kakhulu, uma sekugadla inkhatsato...

¹⁰⁴ Manje lapha ngitovala emizuzwini lembalwa nje, ngoba sitocala lilayini labakhulekelwako.

¹⁰⁵ Sikubonile konkhe loko. Sibubonile bubi nebulle bebantfu. Futsi manje kufika endzaweni lapho kuluhlobo lwekucekisa, sikhuluma ngaloko Lakwentile, nakanjalonjalo, futsi abuke loko Latokwenta. Loko nje buntfu. Tidalwa letibantfu tihlala njalo tisho loko Nkulunkulu lakwenta, labakholwa kutsi Utokwenta, futsi bakhohlwa loko Lakwentako.

¹⁰⁶ Benta intfo lefanako. BebaMbonile ngephandle lapho aphilisa labagulako futsi avuse labafile, futsi batî tintfo ngaphambili, futsi batjele bantfu timfihlo tetinhliityo tabo, futsi

bakholwa kutsi bebasendleleni lebheke kulenyenimvuselelo. Kodvwa ngesikhatsi kungena inkhatsato, bakhohlwa konkhenagako.

¹⁰⁷ Nguleyondlela nje lesenta ngayo. Ngulapho la sihleti khona kusihlwa, sihleti kuleyondzawana lefanako. Kepha noko, kube kuphela besati, Usemkunjini. Mkhulu nje lapha njengoba Bekanjalo ngesikhatsi Alele kulowomkhumbi. Mkhulu nje njengoba Bekanjalo ngesikhatsi Ema emkhatsini futsi wadala umhlaba. Mkhulu nje njengoba Bekanjalo naMosi, eLwandle lolubovu. Mkhulu njengoba Bekanjalo ethuneni laLazaru. Mkhulu njengoba Bekanjalo ngesikhatsi Aphilisa lonebulephelo, aniketa kubona timphumphutse. Mkhulu njengoba Bekanjalo ngetinsuku temvuselelo yaseWelsh. Mkhulu nje njengoba Bekanjalo noma nini, futsi Ulapha emkhunjini!

¹⁰⁸ Kuhlupheka kwefika. Sihamba tindzawo, sitfole tinkinga ebandleni, kuhlukana ekhatsi. Niyati yini kutsi loko kutokona libandla na? Hlalani ndzawonye!

Libusisiwe lifindyo lelibopha
Tinhltiyo tetfu elutsandvweni lwebuKhristu;
Inhlanganyelo yemcondvo webuhlobo
Kunjalo ngeTulu. (lolo tsandvo lolungapheli
nekukholwa kuNkulunkulu nakulomunye
nalomunye!)

¹⁰⁹ Kepha manje siyatfola, lizinga lemanti liyehla. Futsi eveni lami lapho ngihlala khona eTucson, yonkhe intfo ngephandle lapho inelinyeva kuyo. Yonkhe—yonkhe intfo loyibonako inelinyeva, futsi ngoba kome kakhulu. Manje, kube bekukulapha kulelive, futsi bekungamila, bekuyoba nelicembe lelitsambile mbamba. Lelo nyeva licembe ligocotiwe, lacina futsi lacija, kute lithulusi lolungasima emhlabatsini njengalo. Kute lithulusi lelingacina njengemdolofiya lozubako, ngoba unesilevu kuwo, lihuka lelincane, kuhambe kuyofika entasi ekugcineni. Futsi nalapho bowungeke ulisile lithulusi kanjalo, kepha imvelo iligocotile, lelo. Futsi kutogcumela kuwe ngco. Awudzingi kutsi ungene—ngena kuko; kungena kuwe.

¹¹⁰ Futsi kungaleyondlela ngesono. Awudzingi kutsi ungene kuso; sifinayeleta kuwe. Sitogcumela kuwe. Ningasondzeli kuko. Sukani ekungakhlwini! Kodvwa siphila kulesosikhatsi.

¹¹¹ Ngako bebaMbonile enta tintfo letinengi kakhulu letinkhulu, futsi bebangakhulumangato. Kodvwa ngesikhatsi sikhatsi senkhatsato singena, konkhe kwakholhwakala.

¹¹² Manje cabangani nje ngetintfo lesiMbome atenta, nebufakazi lobungenakuphosisa benkhomba yeLivi laKhe, futsi sati kutsi u—kutsi Moya loyiNgcwele lomkhulu lapha etinsukwini tekugcina uSitfunywa seli-awa. Nguye Lofakazako kitsi, futsi enta sonkhe setsembiso Latsembisa kusenta, tonkhe

tibonakaliso nawo wonkhe umsebenti, nalolonkhe Livi lelitofezeka njengoba nje Atsi Uyokwenta.

¹¹³ Futsi solo kubukelwa phansi. Kube bekwemukelekle kuletikhundla letiphakeme letinkhulu, bengingesuka kuko. Kwakungeke kube nguNkulunkulu futsi kwemukelwe etulu lapho. Cha, mnumzane. Cha, impela, kungeke sekwenteke, uma lemukelwa. Kodvwa ngoba Kuphansi ngalendlela, kungalesosizatfu ngiLikhholwa. Niyabona na? Kuvela lapho-ke. Ngulapho la kwetsenjiswe khona.

¹¹⁴ Futsi manje sibona yonkhe intfo isemgenci impela nje, nekwati kutsi sisetinsukwini tekugcina, futsi kwentekeni na? Inkinga yangena.

¹¹⁵ Nako konkhe loko lesiMbome akwenta! Kutsi Wawacondzisa kanjani emakhaya etfu. Kutsi Bekatomenta kanjani babe namake bahlangane futsi. Nikubonile loko, indvodza nemkayo babuya ndzawonye. Ukuphilisile kugula kwakho. Ulele lapho unamdlavuza, kunalabanye benu beta nako kusemabhodleleni, nangemajeke, nemapani. Nabodokotela bafakazile, titatimende letisayinwe; nginencumbi yato, futsi ngifake libhokisi leligcwelle. Futsi ngisho netigungu letisihlanu, tifakazelwa, ngekuvuka kwalabafile, emvakwekuba sebafe ema-awa neli-awa. Kulungile-ke, kusuka... Lokudze lengikwatiko, kwakusukela ensimbini yemfica ekuseni, kwate kwefika insimbi yelishumi nakunye ebusuku, khonalapho. Niyabona na?

¹¹⁶ Cha, ngiyacolisa. Luswane loluncane laphaya, kutsi make bekaluphetse busuku bonkhe emikhonweni yakhe. Yafa ngalenye intsambama, yayikutfwala busuku bonkhe emikhonweni yayo, yeta emhlanganweni entasi lapho eCalifornia. Futsi bengiphuma ngaleyontsambama. Bekasafile ntsambama ngaphambi kwaloko, futsi washayela busuku bonkhe, wefika lapho, akakhoni kugega lendzawo. Futsi wabeka simo lesincane lesibandzako etandleni tami, seluswane lolufile lolwaselufe ngayitolo. Futsi ngime, ngibambe loloswane loluncane, futsi nje nganikela umkhuleko. Umtimba wakhe lomncane wafutfumala. Wagucuka wase uyabuka, ngase ngiwubuyisela kumake wakhe. Liciniso. Kunjalo.

¹¹⁷ Manje, kodvwa-ke uma sibona letotintfo futsi sitihlole sibili, futsi simbandzakanywe impela, manje-ke kungani sesabe nasekuvela tinkinga?

¹¹⁸ Bebabuke i...Bebente lokunengi kakhulu kufakaza ngaloko lokwakwentiwe, bakholiwa kutsi Ngubani lobekanabo. Bese bakholiwe ngalesosikhatsi, ngoba inkhatsato yayisekhatsi.

¹¹⁹ Njengamanje, sinetinkinga lesingeke sibe nelikhambi lato.

¹²⁰ Batama emaseyili abo, nemoya wawulukhuni kakhulu, wawaphephula wawasusa. Batama tigwedlo tabo, nemagagasi bekamakhulu kakhulu ngangekutsi ephuka, ephula tigwedlo

tawo. Khona-ke, ba, umkhunjana wabo lomncane bawuyekela watihambela. Mhlawumbe babophela insika phansi, noma i—noma iruda. Ngako-ke nasebakwentile, bawuyekelela wahamba nje wabheka lawufuna khona, ukhephula, utseleka.

¹²¹ Ufanele ugibebe ligagasi, esikebheni. Nine bafo lenigibela sikebhe niyati kutsi ningeke nibhekane nako emoyeni lovungutako kanjalo, ningene ngco egagasaki. Uma ukwenta, utogcumsela sikebhe sakho phansi ekugcineni. Ngako ufanele kucondzisa lesikebhe, siyekele sigicike neligagasi. Njengoba agicika lamagagasi, ugcika ungene kuwo futsi uphume kanye nawo. Uma u... Uma ungakwenti, utogcwalisa sikebhe sakho sigcwale emanti.

¹²² Yebo-ke, emvakwekutsi konkhe sekuphukile futsi bangeke bakhone kuwubamba, kwakufanele nje sale bawuyekela utihambele. Futsi ngesikhatsi benta, khona-ke sikebhe sagcwala nswi. Kwakubukeka kwangatsi onkhe ematsemba lalingasekho. Futsi-ke nabo lapho bakhona, bakhatsatekile futsi besaba. Kwakunguleso sikhatsi! Kwakuyinkinga lebebasesengenalo likhambi layo. Kwase-ke kungena kwesaba, ngesikhatsi batfola kutsi bebangeke bakulaphe.

¹²³ Futsi sishaye, kanjalo, inkhatsato. Sishaye inkhatsato kutsi tsine...tinkhatsato telive sive sakitsi singeke sikhone kuyelapha. Bukan tigebegwana esiveni sakitsi, sidubula nje uMengameli wetfu, sase siyahamba futsi sadubula lomfana. Lobo nje bugebengwana njenga lendvodza leyadubula uMengameli, ngekubona kwami, kwakukubulawa ngesihlungu. Uma akhona kuphila naloko, batawuchubeka bakwente. Mhlawumbe utawukhona kuphila nako, naye. Kodvwa bukan nje kutsi bentani, umhlaba wonkhe! kube besingabeka Abraham Lincoln kuto tonkhe tindzawo tekukhontela kuwo onkhe emave, bebayachubeka bakwente nakanjani. Niyabona, tinkhatsato lesingeke sayelapha. Le—lentfo, sono, kungakholwa nebuli, sekube lukhula kitsi, kwamila emaceleni kwetfu, kwatungeleta sonkhe sive kulo.

¹²⁴ Sinetinkhatsato telibandla, kuphikisana, kuphikisana, kubonakala kwangatsi singeke sakucondzisa. Sesitfolile manje kutsi batama kwentani, manje babutsene ndzawonye ngeNhlangano yeMabandla. A—angeke saba nelikhambi lako.

¹²⁵ Sitamile kwetfula Livi. Khristu watama kuLibuyisa ngekutikhombisa Yena lucobo, kuvuka ekufeni, iminyaka letinkhulungwane letimibili, Usasolo afana. BaLifulatsela, basuka bahamba; bangulabangakholwa. Bazenzi solo babambelele, kutsi batfole liphutsa kuLo, ngako konkhe, njalo njalo. Kodvwa kuyini na? Kuyintfo lefanako iphindzeka futsi.

¹²⁶ Livi, bebafanale bat. Laliyini likhambi lato tonkhe tintfo na? NguNkulunkulu. KuJohane loNgcwele 1, utsi, “ULivi.” Sisenalo Livi, kusikhipha kuloku. Asidzingi uMkhandlu

wemaBandla. Asiyidzingi yonkhe lemibhedesho netintfo lokucubaniswe eVini. SineliBhayibheli lapha, lelisitjela kutsi kufanele sikutamatise njani lentfo lena. Buyelani emuva eBhayibhelini, buyelani eMlayetweni waLo! Lowo nguKhristu emkhatsini wetfu, liBhayibheli, emaBhayibheli laphilako. “Nitincwadzi letibhaliwe,” emaBhayibheli laphilako, Livi laNkulunkulu liphila kanjalo ngani! Nguloko lesikudzingako.

¹²⁷ Nguloko lokwabangela bukhomanisi kutsi buvuke eRussia. Yebo-ke, emakhomanisi awasilo licembu lelikhulu letembusave; linye kuphela liphesenti leRussia lebukhomanisi manje, liphesenti linye. Emaphesenti langemashumi layimfica nemfica asakhululiwe, kodvwa ayabusa. Ayabusa. Yavukelani kwasekucaleni? Kungenca yenkhohlakalo yelibandla. Nguloko lokukwentile. Batsatsa yonkhe imali kubantfu, baye ebandleni, futsi baphila luhlobo lolufanako lwekapuphila. Bebangasekho kodvwa nje njenganoma nguliphi lelinye lidlangala. Nebantu bagula futsi bakhatsele ngiko, futsi butalwa kanjalo-ke bukhomanisi.

¹²⁸ Katalwa kanjalo-ke kwelive lapha. Kungako sineMkhandlu wemaBandla. Kungako sitongena kulolubumbano netintfo lesitentako, kungoba balilahlile Livi. Kungani banekudla kwakusihlwa lokulisobho ebandleni, kukhokhela umfundisi na? Ngoba balahla indlela yaNkulunkulu, yekukhokha kweshumi. Impela. Basitsatsa ngani sivumokholo na? Ngoba abalifuni liBhayibheli. Kungani batsatsa liphutsa na? Ngoba abalifuni liCiniso.

¹²⁹ Uma umuntfu agijima aye ekamelwени lelingaphansi futsi avale emehlo akhe, atsi, “Ngiyala kusho kutsi lilanga liyakhanya.” Akukho matsema akhe. Kodvwa uma avuma kubuka, lilanga liyakhanya. Uma afuna kuphuma kuko, ajabulele tibusiso tawo, kulungile. Kodvwa uma angafuni, ungeke wenta lutfo ngako. Ungatsi kukhona lokungahambi kahle engcondvweni ngalendvodza.

¹³⁰ Yebo-ke, kukhona lokungalungi ngakamoya ngendvodza loyotsatsa sivumokholo esikhundleni seLivi laNkulunkulu lelipambene nako.

¹³¹ Ngelusuku lwekubetselwa, beba fisa Bharaba, umbulali, esikhundleni seLivi. Futsi namuhla batsatsa uMkhandlu, umbulali weLivi, esikhundleni sekutsatsa Livi likhonjwe emkhatsini wetfu. Intfo lefanako. Nguleyo inkhatsato lesinayo ekhatsi kuyo.

¹³² Manje bafundzi baKhe bangena enkingeni ngalesinye sikhatsi, Bafundzi bakhe njengalabo, betinkhatsato tenyama bodokotela labangeke bayelaphe. Mhlawumbe asitsi, “unemdlavuza. sewutfutfuke kakhulu.” Mhlawumbe unesifuba sengati lesesitfutfuke kakhulu, usenkingeni letsite. Tsine, njengabo, khohlwa kutsi Ngubani losemkhunjini.

¹³³ Kwakunesiphepho. Manje, Nkulunkulu wadala imimoya. Nkulunkulu wadala umoya. Nkulunkulu wadala emanti. Konkhe kungulokudaliwe kwaKhe. Wakwenta. Kodvwa, niyabona, kwakungudeveli lowangena kuko futsi wakubhacabula. Nguloko lokwenta inkhatsato, ngudeveli. Futsi manje uma AnguMdali, futsi wakwenta kanjalo ekucaleni, abakafaneli yini labobafundzi bati kutsi lowoMdali, alele khona lapho, angakwenta ume na? Amen!

¹³⁴ Nkulunkulu wakwenta waba ngulophile. Develi wangena ekhatsi, awucabangi kutsi kumele aMlalele, njengalowo moya? Wenta umtimba wakho. Wakwenta, sidalwa lesingumunfu. Ukunika emehlo futsi akuphe imphilo. “Benginga, ngetulu kwato tonkhe tintfo, leniphumelela emphilweni.” Ngudeveli longena ekhatsi lapho. Kunjalo. Intfo kuphela Lalungele kuyenta kusihlw...Bekaphumulile kuletinye timvuselelo, kodvwa Sewulungele kubitwa.

¹³⁵ Bebefanele bati kutsi Bekati kutsi loko kwakutokwenteka. Bekati tintfo tonkhe. Bekati kutsi kutawenteka. Bekumane kufakazela, bekubufakazi bekuhlolwa kwelukholo lwabo. Nginekungabata nje nekutsi Walala. Abemane nje acambalele lapho ngemuva. Bekati kutsi kutakwentekani. Ya, kulindzele nje kubona kutsi bebatokwentani.

¹³⁶ Baveni ngephandle lapho bafakaza, “O, ludvumo kuNkulunkulu, senelisekile kutsi lowo nguMesiya. O, ludvumo, haleluya, siyakwati! Lelo liciniso.”

Futsi utsi, “Ngitobona nje. Kulungile, Sathane, tikhulule manje.”

¹³⁷ Ngabuka ngephandle lapho, futsi, “O, onkhe ematsema aphelile! O, sitobhubha! Bafana, yini lesingayenta na?” Futsi uMdali cobo lwaKhe, bebakadze bakhulumu ngaye, alele khona lapho nabo. Haleluya!

¹³⁸ Yena kanye nje loNkulunkulu losinika Moya loNgcwele, wona impela uMoya loNgcwele lowehla ngePhentekhosti, khona lapha kanye natsi kusihlw; amen, Yena impela lowavusa labafile, waphilisa labagulako; longuye itolo, namuhla, naphakadze, afakaza kitsi kutsi Ulapha kanye natsi.

¹³⁹ Mhlawumbe uletse leliguludla leli, walibita, ngena lapha, ngekufuna kwati nje kutsi utase wentanjani. Nguleyondlela Lakwenta ngayo, kufakazela kukholwa kwakho, ubone kutsi utokwentani. Bagijime na? Alisho yini liBhayibheli kutsi, “Tonkhe tintfo titosebentelana tibe ngulokuhle kulabo labaMtsandzako”?

¹⁴⁰ Bekakufakazele sibili kutsi BekanguBani. Ukufakazele sibili namuhla kutsi UnguBani, ngoba Ufakazile njengoba nje Enta ngalesosikhatsi. Usasolo anguMesiya, namanje usafana. Usengilo Livi, uMhloli wemicabango netifiso tenhlitiyo.

Usacondza namanje njengasemihleni. Usaphilisa namanje njengasemihleni. Usadala njengoba nje Bekahlala enta. Usasolo avusa labafile, “Ngikuvuka nekuPhila,” ngalokufanako nje njengoba Bekahlala anjalo. Ukufakazisa ngco emkhatsini wetfu, nasemkhunjini wetfu.

¹⁴¹ Bese-ke kungena inkhatsato, futsi, “Onkhe ematsema aphelile.” Yebo, aku-loko akufani nebafundzi? Kuhle-ke.

¹⁴² Sokufakazele kutsi Abengubani, ngeLivi, netibonakaliso. Bafakazelwe ngalokucacile, kutsi AbenguYe longuYe. Watsi, “Uma Ngingenti imisebenti lebhalwe ngaMi, khona-ke ningaNgikhola. Kodvwa uma ngenta imisebenti lebhalwe ngaMi, khona-ke kholwani kutsi nginitjela liCiniso ngako.” Luko nje—lokunje pho i... Kuyintfo lefanako lesinayo namuhla. Watsi, “Hlolani imiBhalo, Ngiyo Lefakaza ngaMi.”

¹⁴³ Bebefanele bati kutsi BekanguNkulunkulu wako konkhe lokudaliwe, lokwakungenta ngisho. Uma akwenta loko, lowo moyo abekhona, nemhlaba ubekhona, Wenta nemanti abekhona; uMdali alele lapho, futsi wakhombisa kutsi Bekanemandla etikwako konkhe. Futsi bakukholwa loko, kodvwa bakhohlwa ngaYe asemkhunjini. Ngoba Bekangekho lapho ababhambadza emhlane, sonkhe sikhatsi, atsi, “Manje chubekani, bafana, kulungiselela kwenteka khona lapha. Manje uma kwenteka, khumbulani nje, ngime khona lapha ngakuwe. Naku kufika khona manje, bafana, asesibuke futsi sibone. Manje, imizuzu lembalwa nje manje.” O, cha, Akakwenti loko. Uhlola yonkhe indvodzana nendvodzakati leta kuYe, abone kutsi sitoMkholwa yini. Yebo, mnumzane. Wakwenta, bebangeke yini baMlalele na?

¹⁴⁴ Asikhumbule futsi, Wenta imitimba yetfu, bafanele baMlalele, futsi. Futsi bebangeke baMlalele? Luko lokuncane...

¹⁴⁵ Ngakubita ngesigadla saseTexas nelutfuli lweLouisiana. Nguloko longiko, ludzaka. Wakhuliswa emhlabatsini ngephandle lapho, futsi ngulapho la ubuyela khona emuva. Unetincenyе letilishumi nesitfupa nje kuwe, umswakama lomncane, ne-phetroliyamu lencane, i-phothashi lencane, nekhalsiyamu lencane, nekukhanya kwekhozmikhi. Futsi loko kutsi akube nguloko longiko, kushwileke ndzawonye, futsi nako ushona. Kungcola kwaseLouisiana, nguloko kuphela longiko. Kodvwa, khumbulani, Intfo letsite yangenta loku. Utsi-ke yena Lowo lowakwenta waba nguloku, weta wahlala nawe kuloku, kutsi Akwente ube ngulokutsite lokwehlukile. O, hhe! O, sifanele sikubuke kanjani loko! Khumbulani, Wetsembisa kutsi naloku nje leligadze lelincane lelutfuli libuyela emuva e... Leligadze lelihambahambako nekuphila ngekhatsi, lokuphila nakuhamba, kubuyela ngco kube lutfuli futsi.

¹⁴⁶ Kodvwa Watsini eVini laKhe na? “Ngiyokuvusa futsi ngetinsuku tekugcina.” Amen! “Ngitowuvusa.” Wakwetsembisa;

emvakwekuba umtimba ubhubhe, emvakwekuba ngisho lutfuli luphele, futsi ubuyela kumagesi emhlabia. Noko, njengoba ngasho ngalobunye busuku, “Ungeke ushababalalise lutfo, umuntfu angeke ashabalale.” Akukho kushabalaliswa. Umuntfu angeke ashabalalise noma yini. NguNkulunkulu kuphela longenta loko. Futsi khumbulani, Uyo, naloku nje kuyimilotsa legcwele sipunu, Watsi, “Ngiyokuvusa futsi ngelusuku lwekugcina.” Lolotfuli lutofanele lutfobele umyalo waKhe, ngoba Wawudala. Uma umoya neligagasi kuMlalela, kanjalo nekungcola kuyaMlalela. Amen.

Phaphama! Unatsi. Konkhe kuyaMlalela.

¹⁴⁷ Emvakwe—kwebafundzi batifola ekupheleni kwemgwaco, kufanele kutsi kwasa kulamanye awo, kutsi uMdali bekanawo. Kungahle kube kwentiwa, ngako sitfolu kutsi bahamba futsi baMvusa, futsi, ngoba Bekenabo ngaso sonkhe sikhatsi.

¹⁴⁸ Futsi balibona Livi laKhe lemBhalo licinisekiswa. Natsi silibonile. Futsi asika... Uma sibita Jesu, bekungasilukhuni. Asihambanga safike satsi, “O, Nkhosi, vuka, vuka! Vuka! O, Nkhosi vuka, vuka!” Cha, cha.

¹⁴⁹ Bavele nje, “Nkhosi!”

Watsi, “Ngilapha.”

“Awunaki kutsi siyabhubha na?”

Watsi, “O, kuphi kukholwa kwakho, wena wekukholwa lokuncane na?”

¹⁵⁰ Nguloko-ke, ngikohlwa kutsi Unatsi; abita Jesu enkhundleni, kutsi ente. Bantfu namuhla batsi, “Kube bengingakwati impela kutsi Loyo kwakunguYe, uma nje bengingaciniseka!”

¹⁵¹ Bebangacineka kanjani, bebaciniseke kanjani bafundzi ngako na? Manje lalelani. Hhayi ngoba Bekayindvodza lefundzisiwe. Ngekwati kwetfu, Bekangekho. Kuphela bekanekuhlakanipha kwaNkulunkulu. Kodvwa imfundvo yelive, angi... Asinalo lirekhodi laKhe lekutsi wake waya esikolweni. Kodvwa umphristi lotsite lomkhulu noma umuntfu lotsite lowatiwako lomkhulu na? Cha, Cha, asinalo lirekhodi lanoma yini lenjengaleyo. INdvodza nje lejwayelekile. Kodvwa bebangakwati kanjani na? Manje lalelisisan manje, ningaphutsela nguloku. Bebangaphumula kanjani bacinisekile, “Sicinisekile kutsi Wena ungulowo Khristu”? Bebangakwenta kanjani na? Ngoba balibonile Livi leletsenjisise licinisekiswa; ngalamanye emagama, libonakaliswa, latiswa. Livi leliphilako lesesembiso lentiwa laphila, laveta lisusela ngco kulowomtimba, futsi bebatu kutsi Nkulunkulu bekakuYe.

¹⁵² Phetro watsi, “Nine madvodza aka-Israyeli, eJudiya, Jesu waseNazaretha bekayINdvodza lefakazelwe nguNkulunkulu, emkhatsini wenu, ngetintfo Nkulunkulu latenta ngaYe.”

¹⁵³ Nikhodemu, leyondvodza lenkhulu lesifundzisa, wefika ebusuku, watsi, “Rabi, siyati kutsi Wena uwaNkulunkulu. Ngani,” watsi, “akekho umuntfu lobekangenta letotintfo Lotentako, uma Nkulunkulu angekho naYe. Siyakucondza loko.” Kodvwa akakwemukelanga ngani na? Akakwemukelanga leni na? Niyabona, kwakuphambene nelišiko labo. Niyabona na? Cha.

¹⁵⁴ Yebo, ngendlela yinye lebebatu ngayo kutsi Unguye, kungoba Wa—Wenta Livi laNkulunkulu, laselivele likhulunyiwe ngalelo langa, laphila lona ngekwaLo. Niyacondza na? Bangakhi labakucondza kahle loko, phakamisa sandla sakho nje. Niyabona, Wenta Livi leletsenjisiwe lalolosuku liphile, futsi bebacinisekile kutsi lowo kwakunguMesiya.

¹⁵⁵ Nguloko lokwakushiwo ngulowesifazane, watsi, “Manje bukani lapha, asikaze sibe nemprofethi iminyaka lengemakhulu lamane. Futsi siyati kutsi umprofethi lolandzelako, utobonakala enkhundleni, utoba nguMesiya. Futsi nayi indvodza ime khona lapho, leyangitjela tintfo lengitentile, yangitjela kutsi benginemadvodza lasihlanu. Futsi nonkhe nibofakazi baloko. NaleNdvodza ihleti khona lapho emtfonjeni welidolobha, njengamanje. Wangitjela kutsi benginemadvodza lasihlanu. Akusiso yini lesi sibonakaliso impela Mesiya lafanele asente na? ULivi, uMhloli wemicabango losenhltiyweni. AkusiYe?” Kungaleso sizatfu bantfu bati futsi baba nesiciniseko unguMessiah.

¹⁵⁶ Leyo yindlela lefanako lesatiko kutsi UnguMesiya, ngoba liBhayibheli latsi Unguye itolo, namuhla, naphakadze, futsi wetsembisa kwenta loku futsi etinsukwini tekugcina.

“Yebo-ke, baMbetsela.” Ya, kodvwa Wavuka futsi.

¹⁵⁷ Entasi eMexico, loludzaba lebengikhuluma ngalo, loluswane loluncane luyakhuliswa, neMnaketfu Moore. Bangihlalisa phasi kutongibuta imibuto, emalanga lambalwa emvakwa loko, libandla lakwenta loko, tintsatseli temaphephandzaba. Batsi kimi...

¹⁵⁸ Manje uma kukhona umuntfu lolikhatolika lohleti lapha, angibhekisi loku kini manje, khumbulani. Bantfu bami bayikhatolika, nabo. Kodvwa, bukani, babantfu labakahle. Babantfu njengoba sinjalo, balambile, labanengi babo, futsi bomele Nkulunkulu.

¹⁵⁹ Lentsatseli yatsi, “Leyo kwakuyintfo lenakekako.” Watsi, “Ucabanga kutsi labangcwele betfu bebangkwenta loko na?”

Ngatsi, “Uma baphila.”

Watsi, “Bangeke babe ngulongcwele baze bafe.”

¹⁶⁰ Ngatsi, “Ngabe Phetro bekangulongcwele ngaphambi kwekutsi afe noma emvakwekuba sekafile na? Niyabona na? Ya. Ngabe Pawula bekangulongcwele ngaphambi kwekutsi

afe noma emvakwekuba sekafile na? Wenta intfo lefanako, niyabona.”

¹⁶¹ Batsi, “Uyini umbono wakho...” Watsi, “Uyi... Awusilo nje liKhatolika, awusilo na?”

Ngatsi, “Cha, mnumzane. NgiyiPhrothestane.”

Watsi, “Awubhikisheli...”

Ngatsi, “Ngiyahikisha, hhayi bantfu, imfundziso yelibandla, niyabona.”

Futsi watsi, watsi, “Utsini umbono wakho ngelibandla na?”

Ngatsi, “Ngiyacolisa kutsi ungibute loko.”

Wase utsi, “Chubeka ukusho. Ngikubutile.”

Ngatsi, “Simo lesiphakeme kunato tonkhe sekukhonta imimoya yalabafa lengatiko ngalo.”

Watsi, “Kukhonta imimoya yalabafa?”

Ngatsi, “Yebo, mnumzane.”

¹⁶² Watsi, “Bewungalibita kanjani libandla lelingumake ngekutsi, ‘kukhonta imimoya yalabafa’?”

Ngatsi, “Lelingumake wani?”

Watsi, “Libandla lelingumake.”

¹⁶³ Ngatsi, “Mnumzane, libandla lelingumake laseRoma, yebo. Inhlango yelibandla, ingunina waloko. Sambulo se 17 sitsi unkuloko, ‘unina wetingwadla.’ Kodvwa,” ngatsi, “libandla alicalanga eRoma. Licala eJerusalema.” Niyabona na?

Watsi, “Nkulunkulu usebandleni laKhe.”

Ngatsi, “Nkulunkulu uLivi laKhe.”

¹⁶⁴ Ngako watsi, “Futsi utsi simo lesiphakeme kunato tonkhe sekukhonta imimoya yalabafa lowati ngayo na?” Watsi, “Bewungakusho kanjani loko na?”

¹⁶⁵ Ngatsi, “Noma yini lencusa kulabafile kukukhonta imimoya yalabafa. Bonkhe labo besifazane, bahamba, behla ngesitaladi lapho, badvonsa emadvwala netintfo, benta kuncusela kuwesifazane lofile labatsandziwe bakhe labambulele. Base bamenta longcwele, ngoba wentiwa longcwele libandla?” Ngatsi, “Loko kukhonta imimoya yalabafa.”

Watsi, “Ukhuleka kuJesu, futsi Wafa.”

¹⁶⁶ Ngatsi, “Kodvwa Wavuka futsi, mnumzane.” Kunjalo. Kunjalo. Kunjalo. O, kanjani tintfo! “Niyabona, wavuka futsi.” Ngitsite, “Ngiyetsema angilimati imizwa yenu.”

Watsi, “Cha, akukho ngoti leyentiwe.”

Ngatsi, “Kulungile.” Niyabona na? Niyabona na?

¹⁶⁷ Ini? Yebo, o, hhe, siyakhohlwa kutsi Ngubani losemkunjini. Niyabona na? “Singakwati kanjani kutsi Unguye itolo, namuhla,

naphakadze, ngenca yekutsi labobantfu lotsi, ‘alinjalo?’’ Inkonzo yakhe ikuphonsa ngco ekugabanceni kwabo. Unguye itolo, namuhla, naphakadze. Futsi unelicala impela nje ngeNgati yaKhe njengoba bekanjalo Philatu. Kusetandleni tenu. Ningke naKugeza nikususe. Nike nacabanga ngaloko na?

¹⁶⁸ Ungatsandza kanjani kuba nengati yeMengameli etandleni takho na? Bewungentanjani na? Uyati kutsi yini letako kuwe. Yebo-ke, leyo yintfo lencane kuba neNgati yaJesu etandleni takho. Kunjalo.

¹⁶⁹ Kube-ke—uma umuntfu lowabulala Mengameli... Mhlawumbe Oswald akakwentanga. Abayuze bati kutsi ngubani lolokwentile, kusobala. Kodvwa uma angakakwenti, kube-ke lendvodza iphila, kusihlwa, futsi yati kutsi inengati yeMengameli etandleni tayo na? Uyokwentani uma bambamba futsi utofanele abhekane neNkantolo leNkhulu, bulungiswa balesis lesi na? Bukani emehlo latfukutsele abuka phansi etikwakhe. Niyati, bekangancenga sihawu, atsi, “Bengingakacondzi kukwenta. Ngi—ngi—ngianitjela, ngi—ngingumfo lolungile. A—Aningakacondzi kukwenta.” Akunawubakhona sihawu. Bekuyoba kubi kubuka ngesheya kwaleyenKantolo leNkhulu, kanjalo.

¹⁷⁰ Kodvwa kutsiwani ngekubuka ngesheya emehlwani aNkulunkulu, uma utfola iNgati yaJesu Khristu, nelicala lekuMbetsela kabusha na? Kutsiwani ngaloko na?

¹⁷¹ Nike nacaphela umshayeli wendiza ngaphambi kwekutsi enyukele endizeni na? Une...uhlola onkhe emathulusi langawakhona. Utokhipha leyondiza, utohlola yonkhe intfo; bese uma lapha ngaphandle uyayidvumisa, ayinyatsele kakhulu, kubona kutsi itawuphakama, nako konkhe. Ngani na? Ucaphela kabi. Unengati etandleni takhe uma angabukisisi.

¹⁷² Buka dokotela, kutsi ahlindvwe, kutsi ulihlola kanjani onkhe emathulusi, utsatsa i x-reyi, nako konkhe. Ngani na? Unaleyondvodza etandleni takhe. Uma ifa, ingati ikuye. Futsi uhlola yonkhe intfo, kutsi aciniseke kutsi ingati ayikho etikwakhe. Kunjalo. Akafuni kwasangati etandleni takhe. Ingati yemunfu ayifuni kuba setandleni temunfu.

¹⁷³ Kodvwa nitokwentanjani ngeNgati yaJesu Khristu etandleni tenu na? Manje ungeke uLiphonse liphume, utsi, “Angikukholwa Loko.” LiBhayibheli liyakulahla. Ütsi Unguye itolo, namuhla, naphakadze; futsi lapha Uyasebenta, wenta lokufanako. LeNgati isetandleni takho, nakanjani, futsi angeke ukhone kuyiwasha Isuke.

¹⁷⁴ Philatu wakutama loko. Bekangeke abekhona emanti lenele kutsi aLigeze alisuse etandleni takhe. Wetama kuKwendlulisela enhlanganweni yakhe, lephakeme kakhulu, umfundisi wesifundza, watsi, “Uma ungangivumela ngikwente,” kodvwa kwamfumba emehlwani.

¹⁷⁵ Iveli ibuye kuwe ngco. Niyabona na? Ningke nize nikwati kuyisusa etandleni tenu, kute lenye indlela emhlabeni ngaphandle kwekuYemukela. Yinye kuphela indlela yekuyisusa etandleni takho, kuYifaka enhlitiywani yakho. Nguleyo kuphela indlela yekukwenta. Futsi uma sibona Jesu Khristu namuhla atibonakalisa Yena lucobo lapha njengoba nje impela A-... ngesikhatsi Enta lapha emhlabeni, futsi wetsembisa kukwenta, sicianisekile kutsi lona nguMesiya. Manje Kusetandleni tenu, ematsangeni enu. Nitomentanjani loJesu lotsiwa nguKhristu na?

¹⁷⁶ Jesu watsi, “Angiyuze ngikushiye. Ngiyoba nani njalo, kuze kube sesikhatsini sekugcina.” Utawubakhona lapho ngendlela lefanako. Waphindze washowatsi, “Angiyuze nginishiye, noma nginilahle. Kusesikhashana nje nelive lingeke lisaNgibona, noko nine nitawuNgibona, ngoba Ngitawuba nani, ngibe ngisho nakini, kute kube sekupheleni kwemhlababa.”

¹⁷⁷ Utsi, “Ngingacinisekwa kanjani ngako na? O, Mnaketfu Branham, uma nje bengingacinisekwa!”

¹⁷⁸ Johane loNgewe 14:12, Watsi, “lokholwa ngiMi, lemisebenti leNgiyentako mine naye utoyenta.”

¹⁷⁹ Manje ulindzele kubitwa enkhundleni, kufakazela loko kini. Kunjalo. Ngako, asihambe siyovusa Jesu, etimphilwemi tetfu. Bekaphila lapha, kungesiko kadzeni. Waniphilisa ngalesinye sikhatsi, Wakwenta *loku* futsi nalokwa. Bekaphila kini ngalesosikhatsi. Yena, Uyaphila kusihlwa. Mbiteni enkhundleni.

¹⁸⁰ Njengoba ngishito nje, kube Shakespeare bekakimi bengiyokwenta imisebenti yaShakespeare. Uma Khristu akuwe, uyo—uyokholwa Livi laNkulunkulu njengoba nje Enta. Wehlula develi ngasosonkhe sikhatsi lefika ngaso; watsi, “Kubhaliwe!” Nguloko kuphela, naloko kume kuKo. Sathane bekat i kutsi Bekakukholwa loko, futsi wasuka kuYe.

¹⁸¹ Khona-ke, niMbite kutsi acinise Livi laKhe, o, hhe, enta emaHebheru 13:8 kahle, khona-ke kungabata nekwesaba kutokuma njengoba kwenta imimoya. Leyo mimoya lemidzala lehhushako engcondvweni yakho, “Mhlawumbe angeke ngiyicondze. Mhlawumbe angeke kube ngimi. Mhlawumbe angeke akwente *loku*.” Ungakwenti. kute mhlawumbe kuloko. Wakwetsembisa ngako. Loko kukhipha bonkhe labomhlawumbe kuko.

¹⁸² “Kube bengati kutsi Bekalapha!” Ngani, lapha Utikhomba Yena lucobo, longuye nje kusihlwa, ngetinchazelo letifanako nesetsembiso lesifanako Lasenta ngesikhatsi Alapha emhlabeni. Nguleyondlela bafundzi labaMkholwa ngayo.

¹⁸³ Kukholwa lokutsandwva bantfu kwakukutsi, “UMuntfu bekahlanya.” Manje noma ngubani uyakwati loko, awukwati yini, kutsi, “LeNdvodza yayihlanya. Futsi

Bekangumbhuli weluhlobo lolutsite, umoya lomubi, Bhelzebule lobekangafundza umcondvo wabo; umoya lotsite lomubi njengekubhula”?

¹⁸⁴ Jesu wabatjela, “Loko kuyohlambalata Moya loNgewe.”

¹⁸⁵ Manje, kubhaliwe kutsi, “Loyo lokholwa ngiMi, lemisebenti lengiyentako Mine naye utoyenta. Mine, uma ngi... Uma nihlala kiMi, neLivi laMi likini, khona-ke celani lenikutsandzako futsi nitophiwa kona.” Niyabona na? Manje, kubhaliwe kutsi, “Njengoba kwakunjalo etinsukwini taseSodoma, kuyoba njalo ekubuyeni kweNdvodzana yemuntfu.” Tonkhe letetsembiso leti Lebekatiniketa! EmaHebheru 13:8, “Jesu Khristu longuye itolo, namuhla, naphakadze.” Tonkhe letotetsembiso, tibhaliwe. Kubhaliwe kutsi, “Letibonakaliso leti tiyobalandzela labakholwako. Uma babeka tandla tabo etikwalabagulako, bayosindza.” Kubhaliwe, manje akwenteke. Amen.

¹⁸⁶ Vusani Jesu, niMbite enkhundleni! Niyesaba kukwenta na? Ngabe niyesaba kutsatsa insayeya yaNkulunkulu na?

¹⁸⁷ Asikhuleke, sikhotsamise tinhloko tetfu umzuzwana nje. Wonkhe umuntfu akahloniphe ngekutitfoba ngako konkhe leningawkwenta, kulemizuzu lembalwa lelandzelako manje, ninganyakati nje. Hlalani nithule impela. Uma i-organi itodlala kancane, uma utsandza, i...lelinye liculo.

¹⁸⁸ Yehla, Nkhosi Jesu, etinhlitiywani tetfu, sente sati butsakatsaka betfu.

¹⁸⁹ “Ngibumbe, O Nkhosi.” Khulekani manje. “Nkhosi Jesu, ngiyadzinga.”

Ngibumbe uphindze ungakhe, Nkhosi,
(ngilubumbanyana nje loluncanyana, manje.)

Ngekwentsandvo yaKho,
Ngisatinikela, o, ngilindzile,
Nhgitinikele futsi ngithulile.

Bani nendlela yaKho, Nkhosi!
Bani neNdlela yaKho!

Kutungeleta, kulesakhiwo lesi, yonkhindzawo, ase ube semthantazweni lojulile manje. Ngifuna kutsi nithantaze.

Ngilibumba.
Ngibumbe uphindze ungakhe
Ngekwentsandvo yaKho,
Ngisalindzile,
Ngitinikele futsi ngithulile.

¹⁹⁰ Sikhatsi nje sekutsi sithule impela manje. Khulekani nje, nitsi, “Nkhosi Jesu, ngente manje ngibe likholwa. Khiphani konkhe kungakholwa.”

¹⁹¹ Ngifuna nikhuleke kancanyana ngaphambi nje kwekutsi ngibite lilayini lalabakhulekelwako. Indvodzana yami yatsi

ikhiphe sicuku lesikhulu semakhadi ekukhulekelwa, yehla njalo ngetikhala tetitulo; futsi wonkhe umuntfu, bekafuna likhadi, watfola linye. Ngitonikhulekela. Sitoba nelilayini njengoba nje saba nalo ngaphambilini, lilayini leliyifashini lendzala, yenyukela lapha bese uyakhuleka, futsi ubeke tandla etikwalabagulako. Ngifuna nikholwe.

¹⁹² Niyativela yini kutsi ningakhona kuMbona? Niyakhumbula yini kutsi Ula kulesikebhe namuhla ebusuku? Ukulesikebhe lesincane, lomphongolo lomncane, lomtimba lomncane wemakholwa. Niyakholwa kutsi ushayela kanye natsi, namuhla ebusuku, kuntjweza kulomkhumbi wekuphila? Uma ukukholwa sibili ngenhlitiyo yakho yonkhe, phakamisa sandla sakho nje, utsi, "Ngiyakukholwa. Ngiyakukholwa. Manje sengiyakwemukela."

¹⁹³ Babe, Uyatibona tandla tabo, tami nato. NgiyaKukholwa, nami. Manje silindzile, Babe. Wota, Nkhosi Jesu. Ngalobunye busuku ngesikhatsi bafundzi bahlushwa, bebakadze bakhulumna naLomunye umuntfu, bebangati kutsi Kwakungubani. Batsi BekasiHambi eveni lonkhe. Kodvwa ngalobunye busuku, ngesikhatsi bavala iminyango futsi baMtfolia ngekhatsi, Wente intfo letsite njengoba nje Enta ngaphambi kwekubetselwa kwaKhe nekuvuka kwaKhe. Bebat kutsi KwakunguYe. Wota futsi kusihlwa, Nkhosi, futsi usentele loko, Utokwenta yini, sisalindzile na? Siyati kutsi sikubonile Ukwenta. Futsi kwangatsi Ungasusa konkhe kwesaba etinhltiyweni tebantfu.

¹⁹⁴ NgeliGama laJesu, kwangatsi wonkhe umuntfu lesibeka tandla etikwakhe, kusihlwa, kwangatsi bangaphiliswa, bonkhe. Kwangatsi kungete kwabakhona umuntfu lobutsakatsaka. Kwangatsi wonkhe umuntfu logulako, lofako, inkhatsato yenhltiyo, nenkhatsato yebesifazane, nemdlavuza, neTB, ne-lukhemiya, noma kungaba yini, kwangatsi bangaphiliswa kusihlwa, Nkhosi.

¹⁹⁵ Kwangatsi, njengoba bendlula kulelilayini futsi sibeka tandla tetfu etikwabo, kwangatsi bangacondza kutsi akusiko nje kuhamba ngemuntfu, kodvwa Nkulunkulu nemuntfu munye. Nkulunkulu sewungene kumuntfu, futsi Nkulunkulu akenti lutfo ngaphandle kwemuntfu. Nguloko Lakwentako. Imisebenti yakhe ingemuntfu. Wenta umuntfu waba ngumlingani waKhe.

¹⁹⁶ Ngesikhatsi Jesu ema, abuka sivuno, Watsi, "Sivuno sesivutsiwe, tisebenti timbalwa; khulekani iNkhosi yesivuno." Futsi BekayiNkhosi yekuvuna. Ngalamanye emagama, "Ngicele kutsi ngento loko lengati kutsi kulungile ngikwente."

¹⁹⁷ Kodvwa Bekatichumanise cobo lwaKhe nebafundzi baKhe. Ngibo lebekufuna bacele. Watsi, "Aninako, ngoba aniceli. Aniceli, ngoba anikhholwa." Kodvwa, Babe, siyakholwa, futsi sicela umusa waKho kusihlwa kanye natsi. EGameni laJesu. Amen.

¹⁹⁸ Manje, nonkhe ngamunye ngamunye leninemakhadi emthantazo, sitawucela nente lilayini. Futsi angati kutsi kuphi...Mhlawumbe basetulu esitezi, ngaphansi kwesitezi, nalapho bakhona. Sitoba cishe—cishe nencenye yeli-awa lapha, noma ngetulu, sitokhulekela labagulako. Kutsandza kushaya insimbi yemfica nje, noma sikhashanyana. Sicabanga sitawukhona kukwenta, siphindze siwucedze.

¹⁹⁹ Manje bukan. Manje akungaphumi muntfu. Wonkhe umuntfu akahlale athule impela manje. Ufuna inkonzo yekuphilisa, nguloko lebesikadze sikulindzele. Beniyilindzele inkonzo yekuphilisa na? [Libandla litsi, "Amen."—Umhl.] Kulungile, kulapha manje. Futsi uMphilisi ulapha, Jesu Khristu, Ulapha.

²⁰⁰ Manje, khumbulani, kube Abegcoke lesudu lena, lena Layenta bafu-...munye wetinceku taKhe, Mnaketfu naDzadzewetfu Collins lanihleli khona lapho, babuya ethabanekeli lami, kutonginika? Kube-ke—kube Bekalapha agcoke lesudu, futsi Bekeme lapha njengoba nje ngime lapha manje? Niyati, uma bewungatsi, "Nkhosi, Ungangiphilisa yini," uyati kutsi Bekangeke akwente ngalokumelene nekungakholwa kwakho na? Bangakhi lowatiko kutsi liciniso lelo na? Wawuyofanele uMkholve ngalokufanako njengoba wenta manje. Kunjalo. Utوفanele uMkholve njengoba nje wenta manje.

²⁰¹ Futsi khumbulani, loko Lasavele akwentile, Angeke akwente futsi. Niyabona, Ukubeke ngalokuphelele ekufinyeleleni kwaKhe manje. Ukubeke ekufinyeleleni kwakho. Ukwente konkhe laNgakwenta. Kunjalo na, bashumayeli? Niyabona, ayikho intfo laNgayenta ngako. Akukho laNgafinyelela khona. Kulapho lawungafinyelela khona wena. "Ngoba Yalinyatwa ngenga yetiphambeko tetfu; ngemivimba yaYo siphilisiwe tsine." Niyabona na? Niyabona, kukhashane nalapho Angafinyelela khona. Ku, Ukuletse lawungafinyelela khona wena. Kulawungafinyelela khona manje. Kubekelwe wena lapho. Bekayovele akhombe lapho lalikhona.

²⁰² "Yebo-ke," wena utsi, "Uma ngi...Bekuhlala njalo kuyindida kimi. Uma Anjalo, uma...Impela, liciniso linjalo, ngabe Usaphila yini?"

²⁰³ Impela, Uyaphila. Yini lena loshayisa kuyo sonkhe sikhatsi na? Yini loko lokukulahlako uma uneliphutsa na? Yini leyo lekwenta ukholwe na? Loyo nguYe. Ungahle ungakhoni kuvula emehlo akho futsi uMbone, ngoba Usesimeni sakamoya, Nkulunkulu longabonwa. Kodywa Uhlala emkhatsini webantu lababonakalako, atenta Yena lucobo abonakale ngeLivi laKhe leletsenisiwe kulabobantfu. Niyakucondza loko manje na?

Lapha, ngaphambi kwekutsi sibite lilayini lalabakhulekelwako, ngiyetsema kutsi Nkulunkulu utokwenta loko.

²⁰⁴ Mine, ngianitsandza, iLife Tabernacle. Niyakwati loko. Bengisolo ngingumnakenu. Ngitamile kuba nguye, nakanjani. Ngente lokunengi kwehluleka, kodvwa ngitamile kuba ngiko.

²⁰⁵ Lalelani. Tisondzeteni, namuhla ebusuku. Vuka, kungakaze kwengce sikhatsi. Niyabona, vukani, masinyane. Ulapha kanye natsi. Manje ngifuna ngamunye wenu . . .

²⁰⁶ Ngito, ngekujuila kwenhlitiyo yami, ngitotama kubita bantfu lengibatiko kulesakhiwo lesi, futsi, noma ngabe ngingabuka ngikwengce, loko kusho kona kutsi Ngi—Ngikwendlulile; uma Kukhanya kwa—kwaloku sekuphelile, ngitakwendlulisa.

²⁰⁷ Ngicinisekile impela kutsi lona nguMnaketfu Julius Stadsklev, umkakhe nemndeni, bahleti khona lapha kulesitulo lesi lesingembili. Ya, nginesiciniseko ngaloko.

²⁰⁸ Bese-ke umuntfu lolandzelako lengimbonako, lengimatiko. Manje umzuzwana nje. Ngibone lomunye umuntfu emizuzwaneni lembalwa leyendlulile, lengicabange kutsi ngicondzile, futsi lowo kwakunguMnaketfu Evans, kodvwa sengilahlekelwe lapho akhona manje. Mnaketfu Welch Evans, ya, ya, ngiyacolisa. Yebo.

²⁰⁹ Futsi Fritzinger lohleti eceleni kwakhe ngco. Lowo ngulowomndeni lohleti khona lapha. Evanses naFitzingers bahleli kanyekanye.

²¹⁰ Futsi manje nangu uMnaketfu naDzadze Dauch, bahleti khona lapha. Ngiyabati.

²¹¹ Futsi ngati lentfombatane lencane lapha, lenye yayo. LoJune lomncane, loyo yindvodzakati yeMnaketfu Evans' naDzadze Evans.

²¹² Futsi ngeva Fred Sothmann atsi, “Amen.” Akukho muntfu lokusho njengaye. Usekhatsi lapha ndzawanatsite. Angati kutsi ukuphi. Usemuva lengemuva, ndzawanatsite. Ukuphi, Fred, kuphi, kuphi na? O, yebo, emuva lapho.

²¹³ Futsi ngabe lowo nguMnaketfu Wood lohleti lapho ngakuwe na? Ya, uMnaketfu Wood. Kulungile.

Yebo-ke, lona ngumfana wetheyiphu lohleti lapha, Jim Maguire.

Futsi lowo nguMnaketfu Blair lohleti khona lapho.

²¹⁴ Kulungile, ngicabanga kutsi nguloko kuphela lengikubonako lengikwatiko. Manje, ngingahle kube ngikubonile. Labanye buso benu bubukeka kwangatsi ngibabonile, kodvwa angibati kutsi babobani. Manje, uMoya loyiNgewele uyakwati loko.

²¹⁵ Kepha manje, nine banfu leNgi . . . le—le—lenginatiko, niyati ngiyanati, anati, nimane—nimane nikhuleke. Ungakhulekeli lutfo ngekwakho. Ungetami kuMtsintsia. Ngikhulekele nje, niyabona. Ngikhulekele nje, kutsi loNkulunkulu lowatiko kutsi ngiyamkhonta, kute Abenesihawu kulomunye umuntfu lohleti eceleni. Manje khulekani. Futsi asesimcele kutsi mane Atibonakalise Yena, anguMessiah.

²¹⁶ Ya, ngiyakholwa . . . Anginasiciniseko, kodvwa ngicabanga kutsi ngibona Dzadze Moore. Ngabe lowo nguDzadze Moore na? Nga—ngacabanga kutsi u . . . Loyo kwakunguye. Sewehlile emtibeni, futsi kungalesosizatfu ngingambonanga kucala, kodvwa ngacabanga kutsi ngambona ahleti khona laphaya.

²¹⁷ Manje khulekani nje manje, wonkhe umuntfu akahloniphe nje—nje impela. Futsi buka loku . . . noma ubuke phansi, nomayini lofuna kuyenta, bese uyakhuleka nje.

²¹⁸ Futsi manje lalelani, ngifuna kunibuta lokutsite. Manje ake ngitsatse lomBhalo wakusihlwa, esikhundleni sekutsi wesifazane atsintse sembatfo saKhe. Asikubuyisele emuva kuloko lebengikushumayela, Livi. Manje, liBhayibheli lasho kutsi, “Livi laNkulunkulu likhalipha kakhulu, linemandla lamakhulu, kunenkemba lesika ngetinhlangotsi totimbili,” lawo ngemaHebheru 4, “futsi LiHlola imicabango nemizindlo yenhliyo nengcondvo.” Ngabe kunjalo na? Manje, “Uma nihlala kiMi, neLivi laMi lihlala kini.” Manje, Livi lisetsembiso, kutsi Livi cobo lwaLo linguMhloli wemicabango nemizindlo yenhliyo. Ngabe kunjalo na? Manje khulekani. Loko bekungacacisa kanjani na?

²¹⁹ Khulekani manje, nje hloniphani ngekutitfoba sibili futsi nikhuleke. Ngingakwati wena. Nje, nani lenginatiko, khulekelani umuntfu lengingamati, kutsi iNkhosi itotsinta umuntfu lotsite; kute bakhone, ekutsintseni.

²²⁰ Manje, masinyane, NgiyaKubona Kuyaphakama. Lapha ngesancele sami, lapha kuyama lubondza, lapha ngesancele sami mbamba, kunendvodza lehleti lapho lekhulekako. Angimati. Naloko kuKhanya kulenga etikwakhe ngco. Nalendvodza inenkhatsato yeliphaphu lekhuleka ngayo. Ibenekuhlindwana lokumbadlwana kulawomaphaphu. Ungo—ngumuntfu losemkhatsini nendzima yemphilo, agecoke tibuko, tinwele letimpunga. Futsi uyi . . . Uyakholwa, mnumzane na? Lendvodza lengikhuluma nayo, Mnumz. Buckford. Lelo ligama lakho, mnumzane. Uyakholwa manje, Jesu Khristu utokusindzisa uma utokukholwa.

²²¹ Angikaze ngiyibone leyondvodza emphilweni yami. Manje uma noma ngubani afuna kuyibona; ungasukuma ume ngetinyawo takho, noma ngabe yayingubani lendvodza. Sukuma, lapho, laphaya. Nako laph'ukhona. Angikaze ngiyibone emphilweni yami. Manje, ini, yini leyo na? Mani.

“Ungakuchaza loko, Mnaketfu Branham na?” Ngingeke. Ngubani lobekangakuchaza loko na? Ngingeke. Cha.

²²² Lapha, kunadzadze lohleti emuva le ngasemuva. Futsi ngyiyambona akhuleka. Futsi ngibona indvodza ihlela, futsi itsi kuphonsa tandla tayo emoyeni. Uyayendza. Ngumyeni wakhe. Usidzakwa. Unatsa, ngaso sonkhe sikhatsi. Futsi ukhulekela kukhululwa kwakhe. Ligama lakhe nguNkkt. Morgan. Phakamisa sandla sakho. Kunjalo. Ngisihambi kuye, kodvwa loko kuliciniso.

²²³ Sukuma, dzadze losandza kubitwa nje. Nako laph'ukhona, futsi angimati lowesifazane. Ngitjеле kutsi utsintseni, emuva le. Yini Livi na? “UmHoli, nemicabango netifiso tenhlitiyo.”

²²⁴ Nonkhe ningahlala phansi manje, nitfokote, nijabule, uma nifisa kuhlala phansi. Awudzingi kutsi; tibonele wena nje, noma yini lofuna kuyenta. Jabula nje futsi utfokote, ngoba iNkhosi ibe yinhle kuwe.

²²⁵ Nangu dzadze khona lapha embikwami. Futsi ugula kakhulu, mhlawumbe uyagula kunaloko lacabanga kutsi bekanako. Kahlekahle uphetfwе sifo se-maphayili futsi sekenta umdlavuza. Make. Morgan...hhayi Make. Morgan, ngyiacolisa. NguMake. Anderson. Uma utokholwa ngenhlitiyo yakho yonkhe, Jesu Khristu utokusindzisa. Uyakukholwa loko, dzadze na?

²²⁶ Sukuma ume ngetinyawo takho, uma loko kunjalo. Angimati lodzadze. Usemgceni ngco nalona lomunye dzadze, futsi bengingakubona loko kusasolo kulenga lapho. Kungalesosizatfu. Ngalolobunye busuku...Ungahle uhiale phansi, uma ufisa, dzadze. Futsi ukholwe, futsi utosindza.

²²⁷ UMnumz. Wood lapha, ngangehla naye, kuyotingela lusuku lonkhe, entasi eKentucky. Ngiseme lapho endzaweni, maketala wakhe, hhayi umKhristu, lofikako, acabanga kutsi bekanemdlavuza emphinjeni wakhe. Ngangibone umbono ngaloko kusa, wewesifazane agcoke ingubo lesikoshi. Bekafake libhantji lelibovu, futsi ngesikhatsi angena kulelinye likamelo futsi (bekangati kutsi kungani endlula) wakhumula lelobhantji lelibovu, wabuya, abegcoke ingubo lesikoshi. Ngatsi, “Wota lapha.” Kwakunguloko-ke. Moya loyiNgewe wamtjela kutsi kwakuyini, futsi kwakunguloko. Bekangadzingi ngisho nekuya kudokotela. Kwase kucedziwe.

²²⁸ Imizuzu lembalwa emvakwaloko, kwakunendvodza, ingati kutsi kungani ikhuphuka, ifa ngenkhatsato yenhlitiyo. Wase utsi, “Unayo inkapane na?”

²²⁹ Nalodzadze watsi, “Umnaketfu Branham ungephandle lapho naBanks.”

²³⁰ Watsi, “Akabongwe Nkulunkulu!” Futsi ngangena lapho. Alele esitulweni, afa ngekuhlaselwa yinhliyi; iNkhosi yamphilisa. Tinsuku letimbili noma letintsatfu emvakwaloko,

batsi bekangakaze abe nenkhatsato lencanyana ngako kusukela lapho.

²³¹ Naku kuchamuka maketala, angena, malukatana, njalo, wesifazane losemusha, Nkkt. Cox. Futsi etabernakeli, tinsuku letimbalwa ngaphambi kwaloko, kwakukadze kunadzadze lophilisiwe, lonesifo sashukela, lobekahleti. Ngiyibonile leyontfombatane isukuma embonweni. Beningeke ngiyibite, ngoba ifika lapho kulelotabernakeli. Futsi emvakwelilanga noma lamabili, bebamuyise esibhedlela kuyocilongwa, futsi bekanesifo sashukela lesibi. Bekasendleleni yakhe ngalesosikhatsi abuyela emuva kuyohlolwa ingati yakhe—yakhe—yakhe futsi. Futsi—ke bekatoyekela kusebenta, imikhono yakhe seyivele indzimundzimu, netintfo. Futsi ngatsi, “Margie, uma dokotela akucilonga, kukholwa kwakho kukuphilisile.” Base bayamutsatsa bamuyisa esibhedlela, sona leso sibhedlela futsi, bamucilonga futsi, sasesinyamalele futsi. Njalo njalo nje, njalo njalo, kuyachubeka nje, ngoba UnguNkulunkulu, futsi Akehluleki. Uyakukholwa loko?

²³² Ngibona indvodza ihleti lapha, ingibuka manje. Bekenenkinga lencane emphilwени yakhe, bekanemantjintjiwane ngesikhatsi a... Utsi nje kuba nentfo letsite enhlitiyweni yakhe. Ungibuke ngco. Bantfwana bakhe bonkhe bafana. Ufuna intfombatane manje. Niyati, leyondvodza ingumshumayeli, nayo. Mnumz. Bird, Mfundisi Mnu. Bird, phakamisa sandla sakho, mnumzane. Liciniso lelo, akunjalo na? Nkulunkulu ukupha sicelo sakho, mnumzane. Ya.

²³³ Niyabona kutsi kulula kanjani na? Nkulunkulu uhlala kulokumelula. Niyakukholwa loko na? Asebenta kulokumelula, timanga taKhe kutsi tentiwe.

²³⁴ Ulahlekelwe ngumuzwa wakho wekuhosha, awukakwenti yini, dzadze? [Lodzadze utsi, “Yebo.”—Umhl.] Uhleti lapha ungibuke ngekwetsembeka, bowukhulekela kutsi ngikubite. Sowusitfolile sicelo sakho. Ungumkamfundisi. Kunjalo. Ulahlekelwe umuzwa wakho wekuhosha. Futsi unemtfwalo lomkhulu enhlitiyweni yakho. Unemadvodzana lamabili lowakhulekelako. Kuhle—ke. Ligama lakho unguDzadze Leggs. Angikase sengikubone emphilweni yami.

²³⁵ “Uma ungakholwa, konkhe kungenteka.” Ngabe kunjalo na? “Konkhe kungenteka, uma ungakholwa.” Uyakholwa manje kutsi Bukhona baKhe bulapha na? Ngabe Akahloli yini imicabango, imizindlo yenhliityo na? Uyati.

²³⁶ Buta labobantfu, hlolani lapha, uma noma ngubani anekungabata. Babute. Angikaze ngibabone labantfu, emphilweni yami. Yebo, mnumzane.

²³⁷ Uyakholwa kutsi Nkulunkulu angasikhiphä lesosimila kuwe na? Acalata lapho kuye aphiliswa, uyakholwa kutsi Angasiphilisa lesimila, akusindzise na? Uyakholwa na?

Lodzadze lapha eceleni kwakho, futsi, nekuvuvuka emtimbeni wakhe, netintfo, ucabanga kutsi iNkhosi ingakuphilisa, nobabili? Niyakwenta na? Kulungile, Angakwenta, uma nitokukholwa.

²³⁸ Wena lohleti, ungibuka lapho, mnumzane, uyakhholwa kutsi Nkulunkulu angayiphilisa leyonkhatsato yelidlala lebesilisa na? Uhleti emuva lapho ufake loyothayi lomnyama, uyakhholwa kutsi Nkulunkulu utoyiphilisa inkhatsato yelidlala lebesilisa na? Nguloko lonako. Uma loko kunjalo, phakamisa sandla sakho. Kunjalo. Kulungile. Uh-huh. Niyabona na?

²³⁹ Uyakhholwa na? Usemkunjini. Nangu lapha Ukhona khona lapha, Livi laKhe lenta loko nje Lelatsi Liyokwenta, atsatsa timfihlo tenhlitiyo futsi akwenta kwatiwe. “Jesu Khristu longuye itolo, namuhla, naphakadze.”

²⁴⁰ Nkhosi Jesu, ngikhulekela lamaduku lelibekwe lapha, labagulako nalabahlaselekile. Emvakwekuba beme lapha, Nkhosi, kulo impela liPhimbo laNkulunkulu lelidalako likhuluma ngetidalwa letibantfu, kukholwa kusazizitela lomunye kulomunye, kwangatsi lamaduku angabusiswa. Nebantfu lababekwa etikwabo, kwangatsi bangabusiswa futsi baphiliswe.

²⁴¹ Futsi manje, Babe, uMoya waKho useselapha, nebafundzi manje, balandzeli baKho manje niyabona kutsi Usesikebheni, asikho sidzingo sekwesaba. Akukho lutfo lolutolimata noma yini. Ngani, Ulapha! Wena unguMdali. Akube njalo, Nkhosi, kutsi kukholwa kwabo kungeke kwehluleke uma bahamba bangene kulelilayini lalabakhulekelwako manje. Kwangatsi bangaphiliswa, eGameni laJesu Khristu. Amen.

²⁴² Singaciniseka kanjani kutsi Unguye na? Ngabe nicinisekile na? Senetisekile. Ngenetisekile sibili kutsi Jesu Khristu unguye itolo, namuhla, naphakadze. Wena? Ngenetisekile mine. Loko, Ngiyati kutsi Angitati leto tintfo.

²⁴³ Manje, yebo-ke, bukani lapha, ngifuna kunitjela lokutsite. Leti lapha tintfo letincane nje letenteka. Kutsiwani ngalabo labahambako, longasekhaya lonkhe, futsi ahambé nami siye emihlanganweni netintfo na? Phakamisani tandla tenu, bomnaketfu, uma nonkhe, nani bodzadzewetfu, nine lenihamba nami kulemihlangano yonkhe indzawo, futsi nje letintfo letenteka. Ngani, loku tintfo letincane nje. Uma nginitjela tindzawo letehlukene, futsi kutokwentekani lapha, “Futsi ngibe sentasi *lapha*, sitohlangana nendvodza. Utotama kungivimba ngingeti kuye. Ungakwenti, ngoba ngifanele ngihambe. Umkakhe uyintfo *letsite-tsitsite*. Utophiliswa. Ngitomtjela *loku*.” “Lomfana uncamula esitaladini, utocela info letsite. Ngitomtjela info letsite; utokwenta *loku* futsi ente *lokwa*.” Leni, kuyachubeka nje, konkhe futsi sonkhe sikhatsi, kanjalo.

NguJesu Khristu, hhayi umuntfu lophilako. NguKhristu. Ngisidalwa lesingumuntfu, kodvwa Yena unguKhristu.

²⁴⁴ “Yini siphiko, Mnaketfu Branham na?” Angikwati kukuchaza. Intfo kuphela lengiyatiko, kutsi, vumela nje William Branham aphume endleleni, nguloko kuphela, futsi nje Utsatsa lubumba nemisebenti ngalo.

²⁴⁵ Kukholwe, nitokwenta, eShreveport na? Kukholwe ngayo yonkhe inhlitiyo yakho, futsi ungangabati, utokuba nekuphiliswa kwakho uma wendlula lapha.

²⁴⁶ Manje, imibono ayikuphilisi. Imibono ikhomba kuphela Livi laKhe kutsi liliciniso. Niyabona, sewuvele uphilisiwe. Imibono ifakazela kuphela kutsi Ulapha futsi Usasolo aLivi leliphilako. Kodvwa mayelana nekuniphilisa, akukwenti. Kunenta kuphela nati kutsi Ulapha. Sewuvele uniphilisile; iNgati yaKhe. Sizatfu Akhona laphangulokutsi Ukuphilisile. Sizatfu Akhona lapha ngulokutsi Ukusindzisile. Imphilo yakhe yaniketwa wena. INgati yaKhe yacitfwa. Futsi Ulapha esimeni saMoya loNgewe, kutosebenta ngatsi, kufakazela kutsi Ulapha. Kodvwa kuphiliswa kwakho kuhambisana nekukholwa kwakho. Uma ukukholwa, kunjalo. Amen.

²⁴⁷ Manje bangakhi *ngakuloluhlangotsi* lonemakhadi ekukhulekelwa, kulesikhala lesi setitulo ngalapha na? Ngifuna niphumele esikhaheli setitulo *ngakuloluhlangotsi*. Futsi batsi nje bangacedza, khona-ke lesikhala *lesi* setitulo lapha siphume *ngakulolohlangotsi*. Bese kutsi-ke lesikhala *lesi* setitulo lapha sihamba situngelete ngco futsi silandzele singene ngco ngemuva, *nalona* lapha, futsi sitota ngco ngemkhuleko.

²⁴⁸ Umnaketfu Jack Moore, ukuphi na? [UMnaketfu Moore utsi, “Khona lapha.”—Umhl.] Ngabe ku—kulungile uma ngibita bafundisi kutsi bangisite na? [“Kulunge ngalokuphelele nje, mnaketfu.”]

²⁴⁹ Noma ngumuphi umfundisi lapha, lokholwa eMlayetweni weNkholwa, lokholwa kutsi liBhayibheli lifundzise letintfo leti, futsi nenetisekile sibili kutsi Jesu Khristu ulapha natsi kusihlwa, futsi ufunu kuta lapha futsi—futsi usisite sibeke tandla etikwalabagulako. Uma u...Uma kukhona lokukhona emphilweni yakho lokukudvonsela emuva elukholweni, ungeti, niyabona, ngoba ufanele ukholwe kutsi uma ubeka tandla takho etikwalomuntfu kutsi batosindza. Ujoyina kuphela kukholwa kwakho nelwabo. Niyabona kutsi ngicondze kutsini na? Ujoyina lukholo lwakho nelwabo, ngekubatsinta, ubabeketandla. Futsi uma unebungabata lokuncane ngako, ungakwenti.

²⁵⁰ Futsi bese, bukani, wonkhe lota lalayinini lemkhuleko, uma unebungabata nje lokuncane, kutsi awunawuphiliswa kusihlwa, ungangeni. Kutokwenta ube kabi kakhulu. Niyabona, nitokuya ngekuba babi kakhulu kuphela, niyabona, ngako ningeti elayinini lalabakhulekelwako. Lindzani kute kube

kukusasa. Kwenteni kusasa ngalesinye sikhatsi, lesinye sikhatsi uma ninekukholwa. Ungakwenti, ngoba kwalabo kuphela labanekukholwa kutsi bakholwe.

²⁵¹ Manje ngifuna nine bazalwane lababafundisi nikhuphukele lapha futsi nime nami sisakhulekela labagulako. Nawe futsi lapho ngembili, yehla nje ute lapha ngembili manje, ute ngco langembili emkhatsini wetitulo lapha, ngoba singeke saletsa letotindzaba, netitulo temasondvo netintfo, etulu kulesikhala lesi setitulo. Ngitokwehlela ngco lapha futsi ngibakhulekele. Yehlelani khona lapha, futsi noma ngumuphi wenu madvodza emuva lapho lenibafundisi lenikholwa ngenhilitiyo yenu yonkhe.

²⁵² Futsi manje nguwe, ucotfo, wena—wena mbamba uyafuna, uyakholwa kutsi kutokwenteka. Niyabona na? Bese-ke uma nikukholwa, futsi bayakukholwa; futsi uma ubeka tandla takho etikwabo, lokutsite kutofanele kwenteke, uma nobabili nitokukholwa. Niyabona kutsi ngicondze kutsini na?

²⁵³ Kulungile, shayani lilayini khona lapha, bazalwane. Yentani kube malayini lamabili lendlula *lana* manje, munye ngamunye kini bomnaketfu labashumayelako. Ngifisa ngatsi ningehlela *ngalana* nje kancane, kute batokhona kwengca lapha emkhatsini wetitulo, uma nitsanza, ngoba labanye balaba ngalapha batobuyela ngco kulesikhala lesisemkhatsini wetitulo. Uma nje utotsi kwenta indlela yakho yehle lapha, banaketfu, uma utsanza. Loko kuhle.

²⁵⁴ Ngicabanga kutsi sifanele siyibonge iNkhosi nge—ngelicembu lendvodza lelinjengaleli, lovumako kuma ebusweni bebagceki, noma yini lenye, futsi atsatse sincumo sabo sekuma, bese utsi, “Ngiyakukholwa.” Amen. Ngibonga kakhulu ngendvodza yalolohlobo. Ngiyajabula kubeka emahlombe ami kanye newabo, kubeka inhilitiyo yami neyabo, kubeka emadlingozi ami newabo, kubeka lukholo lwami nelwabo. Futsi ngaku—ngeSinkhwa sekuPhila neLivi laNkulunkulu, sibobhuti ndzawonye, tindlalifa letihlangene eMbusweni naJesu Khristu. Lendvodza ingahle ingakhoni kusukuma futsi yente Livi... Leso si—leso siphiko, leso nje siphiko, kukhomba sibonakaliso sekugcina ngelusuku lwekugcina. Nguloko impela lokufanele kwentiwe. Kodwva lawa indvodza unalo impela nje lilungelo lelifanako kubeka tandla etikwalabagulako, njenganoma ngubani lomunye; mine, noma Oral Roberts, noma Tommy Hicks, noma Tommy Osborn, nanoma ngubani lomunye. Baneligunya lelifanako, ngaNkulunkulu lofanako, ngoba batinceku talowoNkulunkulu lofanako.

²⁵⁵ Manje uma nine bantfu...ngitoba neMnaketfu Price, noma lomunye umuntfu, noma uMnaketfu Moore. Utokuta usisite sikhuleke, noma utohlala e...? [Lomunye umfo utsi, “Cha, ngitokwehlisa umbhobho lapho.”—Umhl.] Kulungile, utowehlisa

lombhobho. Kulungile. Manje ngitokuba neMnaketfu Price. Manje uma sendlula lapha...

²⁵⁶ Manje bukani, asikuyekele kutiphele. Ngiko loku. Akudzingi uMkhuhlutise. Akukafanele. Utsi nje, "Nkhosi Nkulunkulu, ngiyakukholwa." Niyabona, Sewuvukile khona manje. Sewuvele utifakazele Yena lucobo. Sewuvele waphaphama, emkhatsini wenu. NgiyaMuva, futsi ngiyati kutsi Ulapha ngoba ngibona bufakazi baKhe, indlela Lasebenta ngayo. Akenicabange nje, Umdali ngekwaKhe, Livi ngekwaKhe, wentiwe wabonakala, waba sifakazelo ngco lapha natsi namuhla ebusuku. Futsi uma utsatsa livi lami, lihamba nje lonkhe liphumele esakhiweni kanjalo. Bengingema nje lapha ngibe loku nginibita futsi, nginibite, nginibite. Kodvwa, ngiyacabanga, bantfu labasiphohlongo noma labalishumi, noma mhlawumbe ngetulu, bakhishelwa elayinini. Loko kwenele kukhomba kutsi Bukhona baKhe bulapha.

²⁵⁷ Manje, Mnaketfu Price, uma utsandza, ngifuna libandla lihlabelele kancane impela, "lenkhulu manje seyisedvute, Jesu loneluvelo." Uma Afa kute usindze, impela Usekuvelaneni nekugula kwakho. Yena, Uyavelana nawe ngoba uyagula. Futsi njengoba nita nendlule elayinini, emadvodza aNkulunkulu atonibeka tandla. Ngitokuma lapha futsi ngitsatse indzawo yami nalamadvodza aNkulunkulu. Ngibuye ngco ngalapha nangalapha na...

²⁵⁸ Manje, bukani, ningakukhohlwa loku manje. Cabangani kamatima manje. Uma wendlula elayinini, bani nekukholwa kwakho kulungiswe kanjena, "Uma sengifika ekupheleni kwalelo layini, sekuphelile. Ngiyahamba kuloya mkhatsi wetitulo. Ngimile lapha, ngiyagula. Ngimile lapha, ngikhatsatekile. Ngime lapha, ngesaba. Ngime lapha, ngingati kutsi yini nekutsi kutokwentekani. Dokotela washo *loku*, futsi basho *loku*, futsi batsi... Kodvwa uma ngehlela lapho, ngitokuba netandla tami tiphakamele emoyeni, sibonga iNkhosi kutsi ngisindzile." Futsi nje bukisisani kutsi kwentekani. Manje nginga...

²⁵⁹ Tikhatsi letinengi, bantfu banekuva impela uma ubabukisia; bantfu labagulako, ikakhulukati. Bakubukile. Futsi, nguloko-ke, le-le-leliso lisango leliya emphefumulweni. Kungalesosizatfu Jesu abahola wabakhipha. Yebo, angeke babe baningi labaphilisiwe ngalendlela kunangesikhatsi beta ngamunye, bekutatsi uma sikhatsi sesiphela, besitawubese siyakwehlisa. Kepha bukani banganani labafuna kukhulekelwa, niyabona. Angeke ukhone kubatsatsa kanjalo. Kodvwa manje ngulena indlela kukholwa kwakho lokutokubamba ngayo.

²⁶⁰ Manje, ungasho kutsi, "A—angati kutsini, ngingakuchaza kanjani." Akukho muntfu lokwentako.

²⁶¹ Kodvwa siyakukholwa ngoba Livi lasher njalo. Futsi Khristu locinisekisiwe ulapha kanye natsi; waMbita enkhundleni. Wentani ngesikhatsi siMbita na? Wasikhombisa, “Nginguye itolo, namuhla, naphakadze.” Amen. Kholwa kuphela. Kukholwe nje ngayo yonkhe inhlitiyo yakho, sisa... netinhloko tetfu tikhotsome manje.

²⁶² Futsi uMnaketfu Price, noma labanye babo lapha bato... UMnaketfu Price utoyicondzisa lemigca, Bese kutsi ngamunye uyendlula, bese utsatsa sihlalo sakho futsi, sisahlabela *Inyanga Lenkhulu*.

²⁶³ Futsi sitokhuleka. Manje akutsi tsine wonkhe umuntfu, ngaphambilini, ngifuna kukhuleka. Ngoba... Asikhuleke manje. Khumbulani, Phethro, nabambitela endlini yaDorcus, wakhulekela lapha ekoneni; wasukuma, waya wase ubeka sandla sakhe kuDorcus, wase utsi, “Dorcus, sukuma.”

²⁶⁴ Babe loseZulwini, sikhuleka kanjalo. Ulapha. Watenta watiwa Wena lucobo. UyiNkhosi yetfu, uMsindzisi wetfu. Usiphilise tikhatsi letinengi. E-aweni lapha, lapho emakhulu ebantfu ayobe avela khona kulelokamelo lelingaphansi nakuto tonkhe tindzawo, kutsi aphiliswe. Batokube beta kulelilayini lalabakhulekelwako. Nati tinceku taKho, sonkhe, sikhola kutsi Utokwenta nje loko Lokwetsembisile. Futsi siya lapha kutsi sibeke tandla tetfu etikwalamadvodza nebesifazane, bafana nemantfombatane, lapho bendlula kulelilayini. Kwangatsi ngamunye wabo angakholwa, Nkhosi.

²⁶⁵ Futsi sitohlabela leliculo lelidzala lelimnandzi, *INyanga Lenkhulu*, futsi lowo nguWe, Nkhosi. Manje siphumela etisekelweni ta ISHO KANJE INKHOSI. Kukholwa kwetfu kusitjela, kushaya kwenhlitiyo yetfu lucobo, kutsi letibonakaliso leti tiyobalandzela labakholwako. Futsi singemakholwa. Sime, imphi lenemandla, futsi sitohlangana nensayeya yaSathane. Sihlangana nako eGameni laJesu Khristu.

²⁶⁶ Kulungile, Mnaketfu Price. Futsi manje wonkhe umuntfu netinhloko tabo tikhotsome, bakhuleka, nalabanye benu bahlabela lelitsi *INyanga Lenkhulu*. Nelilayini lalabakhulekelwako litobe lihamba. UMnaketfu Price utobe ahola liculo, futsi acondzisa bantfu lapho baseta. INkhosi inibusise manje. [Akucoshwanga etheyiphini—Umhl.]

²⁶⁷ Jesu ngalesinye sikhatsi watsi, “Uyati kutsi ngenteni kuwe na?” Niyabona na?

²⁶⁸ Bangakhi lokholwako manje, netandla tichubekile kubo, lilayini lita lendlula lapho, kutsi loko kwenta kona kanye nje loko Jesu latsi kuyokwenta na? Niyakukholwa loko na? Livi laKhe lingke lehluleke. Ngenca yekutsi nishito loku, ngoba senifikazile kutsi niyakukholwa, Ngitokukholwa loku ngenhlitiyo yami yonkhe, futsi ngitsi, “Nkulunkulu Somandla uyakusindzisa,” niyabona, ngoba ngiyati kutsi ngumBhalo.

UliCiniso. Ngiyakhholwa kutsi wonkhe umuntfu, lotile elayinini, utawentiwa aphile ngalokuphelele.

²⁶⁹ Manje wentani ngalo na? Awulingabati. Ulibambe embikwakho ngco, luPhawu lwakho. Yini luPhawu lwakho na? Moya loyiNgcwele enhlitiyweni yakho. Wendlulile kulelo layini, litofanele lenteke. Ayikho indlela ngako...Akukhatsalekile kutsi bangakhi labengcile ngaphambilini, loku ngiko. Ngilo leli-awa leli. Lesi sikhatsi. Sekuphelile. Sekuphelele. Vele nje ukhohlwe uke wagula, nome uke waba nako, uke wahlpheka, noma yini. Nkulunkulu utokunakekela. Niyakukholwa na? Amen. Ngiyakukholwa ngenhlitiyo yami yonkhe.

²⁷⁰ Manje asisukume, ngamunye wetfu, etulu ngco *kanjena*. Futsi, manje, njengoba umnaketfu ashito encwajaneni yakhe lengiyifundzile namuhla, kuperakamisa sandla sakho sibonakaliso semhlaba jikelele sekutinikela. *Nginikela Konkhe*. Asilihlabelle.

Nginikela, (Nginikela konkhe!)
Konkhe kuWe, Khristu wami, uMsindzisi
wami,
Nginikela konkhe.
...Jesu, ngi...

²⁷¹ “Intsandvo yami, kungabata kwami, kukholwa kwami, inhlitiyo yami, umtimba wami, kugula kwami, imphilo yami, ngenikela konkhe!”

Ngihlala ngimtsandza futsi ngiMetsema,
Ngiphile eBukhoneni baKhe malanga onkhe.

²⁷² Manje kusho ngenhlitiyo yakho yonkhe manje, njengoba uphakamisa tandla takho.

Ngi...

“Nginikela kukholwa kwami, Nkhosi. Nginikela yonkhe intfo yami. Ngiphilisiwe.”

...nikela, (Nginikela konkhe!)
Konkhe kuWe, Msindzisi wami lobusisiwe,
Nginikela konkhe.

²⁷³ Akamangalisi na? Manje, cabangani, sicondez loko, yonkhe intfo itinikele. “Angisasiko kucabanga kwami. Angeke ngisacabanga njengobe bengcabanga, Nkhosi. Ngitocabanga nje njengoba Ucabanga. Futsi, Wetsembisa kutsi ngaphiliswa, ngicabanga loko. Nginikela kucabanga kwami. Angeke ngisacabanga ngekugula kwami. Ngingeke ngicabange ngalesifo lebenginaso. Angicabangi ngalutfo kodvwa ngicabanga loko Lokushito.”

²⁷⁴ Manje khona nje embikwenu kume umuntfu njengoba nje naninjalo emizuzwini lembalwa leyendlulile, benigula entasi lapha, kephapha kunemuntfu lophilako lome lapha. Jesu Khristu

ubita lowo muntfu lophilako ngesheya kwalo. Manje uvele nje, ngekukholwa, njengoba uvala emehlo akho, hamba ungene kulowomtimba lophilile, niyabona, chubekaninje nihambe.

Nginikela konkhe,
INkhosi inibusise.

Ngi...



HAMBA, UVUSE JESU SSW63-1130E
(Go, Awake Jesus)

LoMlayeto ngeMnaketfu William Marrion Branham, kwekucala wetfulwa ngesiNgisi ngeMgcibelo kusihlwa, ngeLweti 30, 1963, eLife Tabernakeli eShreveport, eLouisiana, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org